



太平御覽卷第一百四

皇王部二十九

後魏敬宗孝莊皇帝

廢帝安定王

文皇帝

恭皇帝

敬宗孝莊皇帝

東魏孝靜皇帝

後魏書曰孝莊皇帝諱子攸彭城王騶音協之第三子母曰

李妃肅宗初以騶有魯陽翼衛之勳封帝武城縣開國公
幼侍肅宗書於禁內及長風神秀慧姿貌甚美拜中書侍
郎城門校尉兼給事黃門侍郎雅為肅宗所親待長直禁

太平御覽

卷一百四

一

中遷散騎常侍御史中尉孝昌二年八月進封長樂王轉
侍中中將軍及武泰元年春二月肅宗崩大都督尔朱榮
將兵向京師謀欲廢立以帝家有忠勳且兼人望陰與帝
通榮乃帥眾來赴夏四月帝與兄弟夜北渡河會榮於河
陽南濟河即帝位以兄彭城王紹為無上王弟霸城公子
正為始平王榮為使待節侍中都督中外諸軍事大將軍
尚書令領軍將軍領左右封太原王百僚相率有司奉璽
綬備法駕奉迎於河梁車駕巡河西至陶渚榮以兵權在
已遂有異志乃害皇太后及幼主次害無上王劭始平王
子正公卿已下二十餘人列騎衛帝遷於便幕車駕入宮
御太極殿大赦天下改武太為建義元年是月汝南王悅



北海王顥臨淮王或前後奔蕭衍郢州刺史元顯達據城
叛五月加將軍朱榮北道大行臺以尚書右僕射元榮
爲東道大使征東將軍光祿勳元欣副之循方黜陟先行
後聞大將軍朱榮還晉陽帝餞於邙陰六月通直散騎
常侍高乾邕及弟帥合流民起兵於齊州之平原頻破州
軍詔東道大使元欣喻旨乃降是月葛榮飢使其僕射任
襄帥車三萬餘乘南寇至沁水幽州北平府主簿河間邢
果帥河北流民十餘萬戶反於青州之北海自署濮王年
號天統詔諸有司馬伏從戎者職人優兩大階詔當親御
六戎掃清燕代大將軍太原王爾朱榮帥精銳十萬爲左
軍上黨王天穆總衆八萬爲前軍司徒公陽椿勒兵十萬

太平御覽

卷一百四

二

爲右軍司空公穆紹統卒八萬爲後軍是夜葛榮衆退屯
相州之北七月齊獻武王於鄴西北招慰葛榮別帥稱王
者七人衆萬餘降之加大將軍朱榮柱國大將軍錄尚
書事光州人劉舉聚衆數千反於濮陽自稱皇武大將軍
是月高平鎮人万俟覆姓醜奴僭稱大位署百宮八月葛榮
帥衆圍相州九月詔太尉公上黨王天穆討葛榮次於朝
歌之南以征東將軍齊州刺史元欣爲沛郡玉柱國大將
軍朱榮率騎七千討葛榮於滏口破擒之餘衆帥降冀
定滄瀛般五州平大赦天下改元爲永安元年以柱國大
將軍大原王朱榮爲大丞相都督河北畿外諸軍事冬
十月蕭衍以北海王顥爲魏主年號孝基入據南兗之鉅

晉書 卷一百四
質城二年夏四月上黨王天穆齊獻武王大破邢果於齊州之濟南果降送京師五月元顥剋梁國內外戒嚴癸酉元顥陷滎陽甲戌車駕北巡幸河內丙子元顥入洛戊寅太原王爾朱榮會車駕於長子卽日反旆上黨王天穆北渡河會車駕於河內七月都督爾朱兆賀援勝於峽石夜濟破顥子冠受及安豐王延明軍元顥敗走車駕入居華林園昇大夏門大赦天下宴勞天柱大將軍尔朱榮上黨王天穆及北來督將於都亭出宮人三百繪錦雜綵數萬疋班賜有差三年夏四月雍州刺史爾朱天光討醜奴蕭寶夤於安定破擒之囚送京師六月嘸嗟國獻獅子九月天柱大將軍尔朱榮上黨王天穆自晉陽來朝帝殺榮及

太平御覽

卷一百四

三

天穆於明光殿大赦天下遣武衛將軍奚毅前燕州刺史崔淵帥衆鎮北中是夜左僕射尔朱世隆榮妻鄉郡長公主帥榮部曲焚西陽門出屯河陰攻河橋擒毅等于途害之據北中城南逼京邑十月通直散騎常侍假平西將軍都督李苗以火船焚河橋爾朱隆退走壬寅爾朱世隆停建興之高都爾朱兆自晉陽來會之共推太原太守行并州刺史長廣王元暉爲主大赦所部年號建明十二月尔朱兆寇丹谷都督崔伯鳳戰歿都督羊文義史五龍降兆大都督源子恭奔退爾朱兆爾朱度律自富平津上率騎涉渡以冀京城事出倉卒禁衛不守帝步出雲龍門兆逼帝幸永寧佛寺殺皇子并殺司徒公臨淮王彧僕射范陽

王誨戊申元曄大赦天下命朱度律自鎮京師命朱兆遷
帝於晉陽崩於城內三級佛寺時年二十四中興二年諡
爲武懷皇帝太昌元年又諡孝莊皇帝廟號敬宗葬靜陵
節閔皇帝

後魏書曰節閔皇帝諱恭字修業廣惠王羽之子也母曰
王氏少端謹有志度長而好學事祖母嫡母以孝聞正始
中襲爵延昌中拜通直散騎常侍正光三年加散騎常侍
領給事黃門侍郎以元又擅權遂稱疾不起久之因託瘖
疾五年執除金紫光祿大夫建義元年除儀同三司既絕
言垂將一紀居於龍葉佛寺無所交通永安末有白莊帝
者言王不語將有異圖民間遊聲又云有天子之氣王懼

太平御覽

卷一百四

四

禍逃匿上洛尋見追躡執送京師拘執多日以無狀獲免
及莊帝崩爾朱世隆等以元曄疎遠又非人望所推以王
潛嘿晦身有過人之糧將謀廢立恐寔不語乃令王所親
申其意且兼迫脅王遂荅曰天何言哉世隆等大悅春三
月曄進至邙南世隆等奉王東郭之外行禪讓之禮太尉
公朱度律進璽綬冕袞之服乃就輅車百官侍衛入自
建春雲龍門升大極殿前羣臣拜賀畢登闕闔門詔大赦
天下以魏爲大魏改建明二年爲普泰元年是月幽州刺
史劉靈助起兵於薊撫軍將軍金紫光祿大夫兼侍中河
北大使高乾邕及弟平北將軍通直散騎常侍放曹率衆
夜襲冀州執刺史元嶷魚力切共推前河內太守封隆之行

州事三月封長廣王爲東海王潁川王爾朱兆爲天柱將軍晉州刺史平陽郡開國公齊獻武王高歡封勃海信都王夏四月詔有司不得復稱僞梁罷細作之條無禁鄰國往還六月高歡以爾朱逆亂興義兵於信都西定殷州斬其刺史爾朱羽生南趙郡太守李元忠爲刺史鎮廣阿九月追尊皇考爲先帝皇妣王氏爲先太妃封皇帝永業爲高密王皇子子恕爲青州渤海王十月高歡推立安定王卽帝位於信都二年三月高歡敗爾朱天光等於韓陵夏四月高歡使魏蘭根慰喻洛邑且觀帝之爲人蘭根忌帝雅德還致毀謗竟從崔陵音陵議廢帝於崇訓佛寺而立平陽王修是爲孝武帝五月帝殂於門下外省時年三十

太平御覽

卷一百四

五

五孝武帝詔百司赴會大鴻臚監護喪事葬用王禮加九旒鑾輅黃屋左纛班劍百二十人後西魏追諡節閔皇帝

後廢帝安定王

後魏書曰後廢帝諱朗字仲哲章武王融第三子也母曰程氏多稱明悟永安二年爲肆州魯郡王後軍府司馬元暉之建明二年正月爲冀州渤海太守及高歡起義兵將誅暴逆乃推戴之冬十月卽皇帝位於信都城西升壇焚燎大赦稱中興元年以高歡爲侍中丞相都督中外諸軍事大將軍錄尚書事大行臺增邑三萬戶以兼侍中撫軍將軍河北大使高乾邕爲侍中司空公前平北將軍通直散騎常侍高敖曹爲驃騎大將軍儀同三司冀州刺史以

終其身十一月高歡率師攻鄴城二年春正月拔鄴擒刺史劉誕二月以高歡爲大丞相柱國大將軍太師增三萬戶并前爲六萬戶三月以齊文襄王起家爲驃騎大將軍儀同三司車駕幸鄴閏月爾朱天光兆度律仲遠等屯於汨水之南高歡出頓紫陌爾朱兆率輕騎三千夜襲鄴城叩西門不剋退走高歡大破爾朱天光等四胡於韓陵前廢帝鎮軍將軍賀拔勝徐州刺史杜德於陣降爾朱兆走趣并州仲遠奔東郡天光度律將越洛陽大都督斛斯椿賈顯智倍道先還夏四月椿等據河橋懼罪自効尋擒天光度律於河橋西北大行臺長孫稚都督賈顯智等率騎入京師執尔朱世隆彦伯斬於都街囚送天光度律於高

太平御覽

卷一百四

六

歡爾朱仲遠奔蕭衍車駕至河陽仍遜於別郎太昌元年五月封安定郡王邑一萬戶後以罪殂於門下外省時年二十永熙二年葬鄴西南野馬崗

孝武皇帝

後魏書曰孝武皇帝諱修字孝則廣平武穆王懷之第三子也母李氏性沉厚少言好武始封汝陽縣開國公拜通直散騎侍郎轉中書侍郎建義初除散騎常侍尋遷平東將軍兼太常卿又爲鎮東將軍宗正卿永安三年封平陽王普泰初轉侍中鎮東將軍儀同三司兼尚書右僕射又加侍中尚書左僕射中興二年夏四月安定王自以疎遠未允四海之心請遜大位齊獻武王高歡與百寮會議會

謂高祖不可無後乃共奉王卽帝位於東郭之外入自東陽雲龍門御大極前殿羣臣朝賀禮畢昇闈闔門大赦天下改中興二年爲太昌元年帝以世易復除齊獻武王爲大丞相大將軍還鄴車駕餞別於乾脯山十二月殺大司馬汝南王悅大赦天下改太昌爲永興以同太宗時號尋改爲永熙二年春正月車駕幸松高石窟靈巖寺十二月車駕狩於嵩陽遂幸温湯還宮三年春二月壬戌大赦壬午封左衛將軍元斌之爲潁昌王夏四月癸丑日有食之五月丙戌置勳府庶子廂別六百人騎宮箱別二百人閣內部曲數千人帝內圖高歡乃以斛斯椿爲領軍使與王思政等統之以爲心膂軍謀朝政咸決於椿分置督將及

太平御覽

卷一百四

七

河南關西諸刺史辛卯下詔戒嚴楊聲伐梁寔謀北討秋七月己丑帝親總六軍率南陽王寶炬清河王亶廣陽王湛斛斯椿以五千騎宿於灑西陽王別舍沙門都維那惠臻負璽持千牛刀以從有牛百頭盡殺以食軍士衆知帝將出其夜亾者過半清河廣陽二王亦逃歸畧陽公宇文泰遣都督駱超李賢和各領數百騎赴洛超先至甲戌賢和會帝於嶠中己酉高歡入洛遣疋屢昭及河南尹元子思領左右侍官追帝請廻駕高昂率勁卒及帝於陝西帝揚鞭長驚至湖城飢渴至王思村人以麥飯壺漿獻帝甘之復一村帝至稠桑潼關大都督毛洪賓迎獻食八月宇文泰遣大都督趙貴梁禦甲騎二千來赴乃奉迎帝過河

謂禦曰此承東流而朕西上若得重謁洛陽廟是卿等功也帝及左右皆流涕宇文泰迎於東陽帝勞之將士皆呼萬歲遂入長安以雍州公廨爲宮大赦甲寅高歡推司徒清河王亶爲大司馬承制總萬機居尙書省歡追車駕至潼關九月己酉歡東還洛陽帝親督衆攻潼關斬其行臺華長瑜冬十月高歡推清河王亶子善見爲主徙都鄴是爲東魏魏於此始分爲二十二月帝崩時年二十五諡曰孝武葬雲陵

文皇帝

後魏書曰文皇帝諱寶炬孝文皇帝之孫京兆王愉之子也母曰楊氏帝正始初坐父愉罪兄弟俱幽宗正寺及宣

太平御覽

卷一百四

八

武崩乃得雪正光中拜直閣將軍時胡太后嬖寵帝與明帝謀誅之事泄免官武泰中封劭縣侯永安三年進封南陽王孝武卽位拜太尉加侍中永熙二年進位太保開府尙書令三年孝武與高歡構難以帝爲中軍四面大都督從入關拜太宰錄尙書事孝武崩丞相洛陽公宇文泰率羣公卿士奉表勸進讓乃許焉大統元年春三月戊申帝卽位於城西大赦改元追尊皇考爲文景皇妣楊氏爲后已酉進丞相洛陽公宇文泰都督中外諸軍錄尙書事大行臺改封安定郡公以尙書令斛斯椿爲太保廣平王贊爲司徒乙卯立妃乙氏爲皇后二年春正月辛亥祀南郊改以神元皇帝配東魏攻陷夏州三年冬十月安定公宇文

文泰大破東魏軍於沙苑拜泰柱國大將軍四年春正月辛酉拜天於清暉室終帝世遂爲帝二月東魏攻陷南汾穎豫廣四州廢皇后乙氏三月立蠕蠕而養女都九閭氏爲皇后秋七月東魏將侯景等圍洛陽帝與安定公宇文泰東伐九月車駕至自東伐五年冬十月於陽武門外懸鼓置紙筆以求得失六年春正月庚戌朝羣臣自西遷至此禮樂始備七年十二月御憑雲觀引見諸王敘家人之禮手詔爲宗誠十條以賜之八年春三月初置六軍十六年五月東魏靜帝遜位於齊秋七月安定公宇文泰東伐至恒農齊師不出乃還九月大赦十七年春正月庚戌帝崩於乾安殿時年四十五葬於永陵諡曰文皇帝

太平御覽

卷一百四

九

廢帝

後魏書曰廢帝名欽文皇帝長子也母曰乙皇后大統元年正月乙卯立爲皇太子十七年三月卽皇帝位二年秋八月大將軍尉遲迴剋成都劍南行平冬十一月安定公宇文泰殺尙書元烈三年正月安定公宇文泰廢帝立齊王廓帝自元烈之誅有怨言淮安王育廣平王贊等並垂泣諫帝不聽故及於辱

恭皇帝

後魏書曰恭皇帝諱廓文帝之第四子也大統十四年封爲齊王廢帝三年正月卽皇帝位改元十一月師滅梁戕

士良切

梁元帝梁太尉王僧辨奉元帝子方智爲王承制居

建業三年春正月丁丑初行周禮建以六官安定公宇文泰爲太師冢宰以柱國李弼爲大司徒以趙貴爲太保大宗伯以尙書令獨孤信爲大司馬以于謹爲大司寇以侯莫陳榮爲司空冬十月乙亥安定公宇文泰薨十二月庚子帝遜位於周閔帝元年正月東魏封帝爲宋公尋殂

東魏孝靜皇帝

後魏書曰孝靜皇帝諱善見清河文宣王亶之世子也母曰胡妃永熙二年拜通直散騎侍郎秋八月爲驃騎大將軍開府儀同三司孝武旣入關渤海王高歡奉迎不克乃與百僚會議推帝以奉肅宗之後時年十一冬十月卽位於城東北大赦天下改永熙三年爲天平元年有事於太

太平御覽

卷一百四

十

廟詔曰安安能遷自古之明典所居靡定往昔之成規是以殷遷八城周卜三地吉凶有數隆替無恒事由於通變理出於不得已故也高祖孝文皇帝式觀乾象俯協人謀發自武州來幸嵩縣魏雖舊邦其命惟新及正光之季國步孔棘喪亂不已寇賊交侵俾我生民無所措手今遠遵古式深驗時事考龜襲吉遷宅漳滏庶克隆洪基再昌寶歷主者明爲條格及時發邁車駕北遷于鄴詔渤海王高歡畱後部分大將軍尙書令元帥爲驃騎大將軍儀同三司洛州刺史以衛軍鎮洛陽十一月車駕幸鄴是冬蕭衍以元慶和爲鎮北將軍魏王入據平瀨鄉李武崩於長安二年春正月渤海王高歡襲擊山胡劉蠡升大破之詔以

高歡爲相國假黃鉞劍履上殿入朝不趨王固讓不受三月高歡討平山胡劉蠡升斬之其子南海王復僭帝號高歡進擊破擒之及其弟西海王皇后夫人及王公已下四百餘人并逋逃之民二萬餘戶八月發七萬六千人營新宮十二月車駕狩於鄴是歲西魏文帝大統元年春正月詔加渤海王高歡九錫之禮侍中元子思敦喻固讓乃止二月詔加渤海王世子澄使持節尙書令大行臺大都督秋七月大赦天下四年夏四月遷七帝神主入新廟大赦天下先是蕭衍冬十月西魏遣大行臺元季海大都督獨孤如願逼洛州行軍事廣陽王湛弃城退還季海如願遂據金墉潁川長史賀若微執刺史田迅西叛西魏都梁廻據

太平御覽

卷一百四

十一

城西魏又遣其都督趙繼宗右丞韋孝寬等攻陷豫州元象元年春正月巨象至自碭郡陂中南兗州獲送于鄴大赦改年大都督賀拔仁攻西魏南汾州拔之率豫州刺史堯雄等與大行臺侯景司徒高敖曹大都督万俟受洛于等於北豫相會俱討潁州梁廻等棄城遁走潁州平秋七月行臺侯景司徒公高敖曹圍西魏將獨孤如願於金墉城八月大敗西魏於河陰司徒高敖曹儀同三司大都督李猛宗顯並戰歿西魏畱其長孫子彥守金墉渤海王高歡濟河子彥棄城走與和元年五月立皇后高氏大赦天下秋七月詔渤海王高權爲相國錄尙書事大行臺固辭相國九月發畿內民夫十萬人城鄴城四十日罷十一月以

新宮成大赦改元二年春正月徙新宮大赦三年冬十月齊文襄王自晉陽來朝先是詔羣官於麟趾閣議新定制頒於天下發夫五萬人築漳濱堰四年夏四月渤海王高權請令百官月一而敷政事明揚側陋納諫屏邪親理獄訟武定元年春正月大赦改年車駕蒐於邯鄲之西山三月渤海王高歡討宇文黑獺戰於邙山大破之擒西魏臨洮王森蜀郡王榮宗江夏王昇鉅鹿王闞譙郡王亮追奔至恒農而還豫洛二州平三年春正月渤海王高歡請在并州置晉陽宮以處配沒之口三月渤海王世子高澄爲大將軍五年春正月勃海王高歡薨於晉陽司徒侯景反

潁州刺史司馬世雲以城附之景入據潁城誘執豫州刺

太平御覽

卷一百四

十三

史高元成廣州刺史暴顯等遣司空韓軌驃騎大將軍儀同三司賀拔勝可朱渾道元左驃騎衛將軍劉豐等率衆討之景乃遣使降於西魏請師救援西魏遣其將李景和王思政帥騎赴之思政等入據潁川景乃出走豫州侯景復背西魏歸於蕭衍衍置景爲河南王大將軍承制六月司徒韓軌司空可朱渾道元等自潁州班師大將軍高澄迎勞於石濟高澄還晉陽七月以大將軍高澄爲使持節大丞相都督中外諸軍事錄尚書事大行臺渤海王九月蕭衍遣其兄子貞陽侯淵率衆寇徐州堰泗州於寒山以灌彭城冬十月以尚書左僕射慕容紹宗爲東南道行臺與驃騎大將軍儀同三司大都督高嶽潘相樂討淵明十

一月大破之擒淵明及其二子六年正月大都督高嶽等
于渦陽大破侯景俘斬五萬餘人溺于渦水水爲之不流
景走淮南冬十月侯景濟江推蕭衍弟子臨賀王正德爲
主以攻建業七年正月蕭衍弟子北徐州刺史中山侯蕭
正表以鍾離內屬三月侯景剋建業遣以蕭衍爲主衍弟
子北兗州刺史定襄侯蕭祗湘潭侯蕭退來降夏四月詔
以齊文襄王爲相國齊王祿綬綬讚拜不名入朝不趨劍
履上殿是月侯景殺蕭衍立子綱爲主六月剋潁州擒西
魏大將軍尙書左僕射東道大行臺太原郡開國公王思
政潁州刺史皇甫僧顯及戰士一萬餘人男女數萬口八
月盜殺渤海王高澄甲午太原公高洋如晉陽八年春正
太平御覽

卷一百四

十三

月帝爲渤海王高澄舉哀于東堂詔太原公高洋嗣事三
月進爵爲齊王夏五月詔齊王爲相國總百揆備九錫之
禮以齊王太后王妃爲王太后詔歸帝位于齊國卽日遜
於別宮齊天保元年封中山王二年十二月殂時年二十
八諡曰孝靜皇帝葬於漳西山崗

太平御覽卷第一百五

皇王部三十

後周太祖文皇帝 孝閔皇帝

明皇帝 武皇帝

宣皇帝

後周太祖文皇帝

周書曰太祖文皇帝姓宇文氏諱秦字黑獺代郡武川人其先出自炎帝神農氏爲黃帝所滅子孫遁居朔野有葛烏菟者雄武多筭畧鮮卑慕之奉以爲主遂總十二部落世爲大人其後裔孫曰普回因狩得玉璽三紐有文曰皇帝璽普回異之以爲天授其俗謂天曰字謂君曰文因號太平御覽 卷一百五 一

宇文國并以爲氏焉太祖德皇帝之少子也母曰王氏孕五月夜夢抱子升天纔不至而止寤而告德皇帝德皇帝喜曰雖不至天貴亦極矣魏孝昌二年燕州亂太宗始以統軍從爾朱榮征之先是北海王顥奔梁梁人立爲魏主令率兵入洛魏孝莊帝出居河內以避之榮遣賀拔岳討顥仍迎孝莊帝太祖與岳有舊乃以別將從岳及孝莊帝反正以功封寧都子邑三百戶遷鎮遠將軍步兵校尉万俟醜奴作亂關右孝莊帝遣爾朱天光及岳等討之太祖遂從岳入關先鋒破魏行臺尉遲菩薩等及平醜奴定隴右太祖功居多遷征西將軍金紫光祿大夫增邑三百戶加直閣將軍行原州事太昌元年岳以太祖爲左丞領岳

府司馬加散騎常侍事無巨細皆委決焉表太祖爲持節
衛將軍夏州刺史魏永熙三年正月岳與侯莫悅討曹泥
二月岳爲悅所害四月太祖率輕騎臨悅軍悅大懼太祖
奮兵擊大破之悅遁走追及斬之魏帝遣著作卽姚幼瑜
持節勞軍進太祖侍中驃騎大將軍開府儀同三司關西
大都督洛陽縣公承制封拜使持節如故七月丁未帝遂
從洛陽率輕騎入關太祖備儀衛奉迎謁見東陽驛八月
齊神武襲陷潼關侵華陰太祖率諸軍屯霸上以待之齊
神武畱其將薛瑾守關而退太祖乃進軍襲瑾虜其卒七
千還長安進位丞相冬十月齊神武推魏清河王亶子善
見爲主徙都於鄴是爲東魏閏十二月魏孝武帝崩太祖

太平御覽

卷一百五

二

立魏南陽王寶炬爲嗣是爲文皇帝大統十七年春三月
魏文帝崩皇太子嗣位太祖以冢宰總百揆三年自元烈
誅魏帝有怨言魏淮南王育廣平王贊等垂泣諫之帝不
聽於是太祖與公卿定議廢帝尊立齊王廓是爲恭帝元
年夏四月帝大饗羣臣魏史柳虬執簡書於朝曰廢帝文
皇帝之嗣子年七歲文帝託於安定曰是子也才由於公
不才亦由於公宐勉之公旣受茲重寄居元輔之任又納
女爲皇后遂不能訓誨有成致令廢黜負文皇帝付囑之
意此咎非安定公而誰太祖乃令太常盧辨作誥諭公卿
曰嗚呼我羣后暨衆士維文皇帝以襁褓之嗣託於余訓
之誨之庶厥有成而余罔能變革厥心庸暨乎廢墜我文

皇帝之志嗚呼茲咎余其焉避予寔知之矧爾衆人之心
哉惟予之顏豈惟今厚將恐來世以予爲口寔乙亥魏帝
詔封太祖子邕爲輔成公憲爲安成公邑各二千戶三年
九月太祖有疾還至雲陽命中山公護受遺輔嗣子冬十
月乙亥崩於雲陽宮還長安發喪時年五十二葬於成陵
諡曰文公孝閔帝受禪追尊爲文王廟曰太祖武成元年
追尊爲文皇帝

孝閔皇帝

後周書曰孝閔皇帝諱覺字陀羅尼太祖第三子也母曰
元皇后大統八年生於同州九歲封畧陽郡公時有善相
者史元華見帝退謂所親曰此公子有至貴之相但恨其

太平御覽

卷一百五

三

壽不足以稱之耳魏恭帝三年三月命爲安定公世子十
月乙亥太祖崩景子嗣位太師大冢宰十二月丁亥魏帝
詔以岐陽之地封帝爲周公禪位於帝元年春正月辛丑
卽天王位柴燎告天朝百官於路門追號皇考文公爲文
王皇妣爲文后大赦天下封魏帝爲宋公帝性剛果見晉
公護執政深忌之司會李植軍司馬孫恒以先朝佐命入
侍左右亦疾護權重乃與宮伯乙弗鳳賀拔提等潛謀請
帝誅護帝然之又引宮伯張光洛同謀光洛密白護護乃
出植爲梁州刺史恒爲潼州刺史鳳等遂不自安更奏帝
將召羣臣入因此誅護光洛又白之時小司馬尉遲綱總
統宿衛兵護乃召綱共謀廢立令綱入殿中詐呼鳳等論

事既至以次執送護第並誅之綱乃罷散禁兵帝方悟無左右獨在內殿令宮人持兵自守護又遣大司馬賀蘭祥逼帝遜位遂幽舊邸月餘以弑崩時年十六護誅後諡孝閔皇帝陵曰靖陵

明皇帝

後周書曰明皇帝諱毓小名統萬突太祖長子也母曰姚夫人永熙三年太祖臨夏州生帝於統萬城因以名焉大統十四年封寧都郡公十六年行華州事尋拜開府儀同三司宜州諸軍事宜州刺史魏恭帝三年授大將軍鎮隴右孝閔踐祚進位柱國轉岐州諸軍事岐州刺史治有美政黎民懷之及孝閔帝廢晉公護遣使迎帝于岐州秋九

太平御覽

卷一百五

四

月癸亥至京師止於舊邸甲子羣臣上表勸進備法駕奉迎帝固讓羣臣固請是日卽天王位大赦天下乙丑朝羣臣於延壽殿武成元年春正月乙酉太師晉公護上表歸政帝始親覽萬機軍旅之事護猶總焉初改都督諸州軍事爲總管八月己亥改天王稱皇帝追尊文王爲文皇帝大赦改元二年春正月癸丑朔大會羣臣於紫極殿始用百戲三月辛酉重陽閣成會郡公列將卿大夫及突厥使者於芳林園賜錢帛各有差四月帝因食遇毒辛丑崩於延壽殿時年二十七諡曰明皇帝廟稱世宗葬昭陵

武皇帝

後周書曰高祖武皇帝諱邕字禰羅突太祖第四子也母

曰叱奴太后大統九年生于同州有神光照室幼而孝敬
聰敏有氣質太祖異之曰成吾志者必此兒也年十二封
輔城郡公孝閔帝踐阼拜大將軍出鎮同州世祖卽位遷
柱國授蒲州諸軍事蒲州刺史武成元年入爲大司空治
御正進封魯國公領宗師甚爲世宗所親愛朝廷大事多
共參議性沉深有遠識非因顧問終不輒言世宗每嘆曰
夫人不言言必有中武成二年世宗崩遺詔傳位於帝帝
固讓百官勸進乃從之壬寅卽皇帝位大赦天下保定元
年春正月戊申詔曰寒暑亟周奄及徂歲改元命始國之
典章朕祇承寶圖宜尊故憲可改武成三年爲保定元年
嘉號旣新惠澤宜溥文武百官各增四級以大冢宰晉國

太平御覽

卷一百五

五

公護爲都督中外諸軍事四年十月詔大將軍大冢宰晉
國公護率軍伐齊於大廟庭授以斧鉞於是護總大軍出
潼關大將軍權景宣率山南諸軍出豫州少師楊禕出軹
關天和元年正月大赦改元五月甲午詔曰道德交喪禮
義嗣興衰四始於一言美三千於一敬是以在下不驕處
滿不溢富貴所以長守邦國於焉又安故能承天靜地和
民敬鬼明並日月道合四時朕雖庸昧有志前古甲子乙
卯禮云不樂萋弘表昆吾之稔杜蕢有揚觶之文自世道
喪亂禮儀紊毀此典茫然已墜於地昔周王受命請聞顓
頊廟有戒盈之器室爲復禮之名矧伊末學而能忘此宜
依是日省事停樂庶知爲君之難爲臣不易貽之後昆殷

鑒斯在四年春正月辛卯朔廢朝以齊武成薨故也遣司會河陽公李綸等會葬於齊仍弔賻焉建德元年三月癸卯朔日有蝕之齊遣使來聘景辰誅大冢宰晉國公護其子柱國譚國公會會弟大將軍莒國公至崇業公靜并柱國侯伏龍恩龍恩弟大將軍萬壽大將軍劉勇等大赦改元罷中外府二年秋七月己巳祠太廟自春末不雨至於五月壬申集百寮於大德殿帝責躬罪已問以治政得失國公亮爲右二軍總管隋國公楊堅爲右三軍總管譙王儉爲左一軍總管大將軍竇奉爲左二軍總管廣化公臣崇爲左三軍總管齊王憲陳王純爲前軍六年春月尉遲

太平御覽

卷一百五

六

勒擒齊王及其太子行於青州四月乙己至自東伐列齊主於前其王公等竝從車輦旗幟及器物以次陳於其後大駕布六軍備凱樂獻俘於太廟京邑觀者皆稱萬歲戊申封齊王爲溫國公宣政元年三月於蒲州置宮廢同州及長春二宮甲戌初服常冠以皂紗爲之加簪而不施纓導其制若今之折角巾也上大將軍鄒國公王軌破陳師於呂梁擒其將吳明徹等俘斬三萬餘人五月己丑帝總戎北伐遣柱國平原公姬願東平公宇文神舉等率軍五道俱發入關中公私驢馬悉從軍癸巳帝不豫止於雲陽宮景申詔停諸軍事六月丁酉帝疾甚還京其夜崩於乘輿時年三十六諡曰武皇帝廟稱高祖葬孝陵

宣皇帝

後周書曰宣皇帝諱贇字乾伯高祖長子也母曰李太后
武成元年生於同州保定元年五月景午封魯國公建德
元年四月癸巳高祖親告廟冠於阼階立爲皇太子詔皇
太子巡撫西土文宣皇后崩高祖諒闇詔太子總朝政五
旬而罷高祖每巡幸四方太子常畱監國五年二月又詔
皇太子巡西土因討吐谷渾宣政元年六月丁酉高祖崩
戊戌太子卽皇帝位尊皇后爲皇太后大象元年春正月
癸酉受朝於路門帝服通天冠絳紗袍羣臣皆服漢魏衣
冠大赦改元大成初置四輔官以上柱國大家宰越王盛
爲大前疑相州總管蜀國公尉遲迥爲大右弼申國公李穆

太平御覽

卷一百五

七

爲大左輔大司馬隋國公楊堅爲大後丞二月辛巳詔曰
皇太子衍地居上嗣正統所歸遠憑積德之休允協無疆
之祚帝皇之量不肅而成天祿之期不謀已至朕今傳位
於衍乃瞻四海深合謳歌之望俾予一人高蹈風塵之表
萬方兆庶知朕意焉可大赦天下改大成元年爲大象元年
帝於是自稱天元皇帝所居稱天臺冕有二十四旒車服
旗鼓皆以二十四爲節內史御正皆置上大夫皇帝衍稱
正陽宮置納言御正諸位等官皆准天臺尊皇太后爲天
元皇太后二年五月甲午夜帝備法駕幸天興宮乙未帝
不豫還宮詔隋國公堅入侍疾己酉大漸御正下大夫劉
昉與內史上大夫鄭譯矯制以隋國公堅受遺輔政是日

帝崩於天德殿時年二十二諡曰宣皇帝葬定陵

靜皇帝

後周書曰靜皇帝諱衍後改爲闡宣帝長子也母曰朱皇后建德二年六月生于東宮大象元年正月癸卯封魯王戊午立爲皇太子二月辛巳宣帝於鄴宮傳位授帝居正陽宮二年五月乙未宣帝寢疾詔帝入宿於路門己酉宣帝崩入居天臺廢正陽宮大赦天下停洛陽宮作大定元年春正月壬午詔曰朕以不天夙遭極罰光陰過速遽及此辰窮慕纏綿言增號絕踰祀革號憲章前典可改大象三年爲大定元年三月庚申大丞相隋王楊堅爲相國總百揆備九錫之禮又加冕十有二旒建天子旌旗出警入

太平御覽

卷一百五

八

蹕並依魏晉故事甲子隋王楊堅稱帝號遜於別宮隋氏奉帝爲介國公邑萬戶車服禮樂一如周制上書不爲表荅不稱詔有其文事竟不行開皇元年五月壬申崩時年九歲諡曰靜皇帝葬恭陵

太平御覽卷第一百六

皇王部三十一

隋高祖文皇帝

煬皇帝

隋高祖文皇帝

隋書曰高祖文皇帝姓楊氏諱堅弘農郡華陰人也漢太尉震八代孫鉉仕燕爲北平太守鉉生元壽後魏代爲武川鎮司馬子孫因家焉元壽生太原太守惠暉惠暉生平原太守烈烈生寧遠將軍禎禎生忠忠卽皇考也皇考從周太祖起義關西賜姓普六茹氏位至柱國大司空隋國公薨贈太保諡曰桓皇妣呂氏以大統七年六月癸巳夜生高祖於馮翊般若寺紫氣充庭有尼來自河東謂皇妣

太平御覽

卷一百六

一

曰此兒所從來甚異不可以俗閒處之尼將高祖舍於別館躬自撫養皇妣嘗抱高祖忽見頭上角出這體鱗起皇妣大駭墮高祖于地尼自外入見曰已驚我兒致令晚得天下爲人龍顏額有五柱入頂目光外射有文在手曰王長上短下深沉嚴重初入太學雖至親昵不敢狎也年十四京兆尹薛喜辟爲功曹十五以太祖勲授散騎常侍車騎大將軍儀同三司封成紀縣公武帝卽位遷左小宮伯出爲隋州刺史進位大將軍後徵還遇皇妣寢疾五年晝夜不離左右世稱純孝宇文護執政尤忌高祖屢將害焉大將軍侯伏侯壽等匡護得免其後襲爵隋國公武帝聘高祖長女爲皇太子妃益加禮重齊王憲言於帝曰普六

如堅相貌非常臣每見之不覺自失恐非人下請早除之
帝曰此可爲將耳內史王軌驟言于帝曰皇太子非社稷
主普亡茹堅貌有反相帝不悅曰必天命有在將若之何
高祖甚懼深自晦匿建德中率水軍三萬破齊師於河橋
明年從帝平齊進位柱國宇文憲破齊任城王高潛於冀
州除定州聽管尋轉亳州聽管宣帝卽位以后父徵拜上
柱國大司馬大象初遷大僕丞右司武俄轉大府丞帝每
巡幸恒委以扈守大象二年五月以高祖爲揚州總管將
發暴有足疾不果行乙未宣帝崩時靜帝幼冲未能親理
政事內史大夫鄭譯御正大夫劉昉以高祖皇后之父衆
望所歸遂矯詔引高祖入總朝政都督內外諸軍事周氏
太平御覽

卷百六

二

諸王在藩者高祖悉恐其生變稱趙王召將嫁女于突厥
爲詞以徵之丁未發喪周帝拜高祖假黃越左丞相百
官總已而聽焉十二月甲子周帝詔以郢州之漢東二十
郡爲隋國劔履上殿入朝不趨贊拜不名備九錫之禮加
璽統遠遊冠相國印緣系綬位在諸王上隋國置丞相已
下一依舊文高祖再讓不許於是建臺置官大定元年二
月景辰詔王冕十有二旒建天子旌旗出警入蹕乘金根
車駕六馬備五時副車置旄頭雲罕樂舞八佾設鐘虡宮
懸王妃爲王后長子爲太子前後二讓乃受俄而周帝以
衆望有歸乃下詔遣大宗伯大將軍金城公趙昶奉皇帝
璽綬百官勸進高祖乃受焉開皇元年二月甲子上自相

府常服入宮備禮卽皇帝位于臨光殿設壇於南郊遣使柴燎告天是日大赦改元爲開皇六月癸未詔以初受天命赤雀降祥五德相生赤爲火色今郊社廟依服冕之儀而朝會之服旗幟犧牲各令尚赤戎服以黃秋七月乙未上始服黃百僚畢賀二年六月景申詔曰龍首山川原秀麗卉物滋阜今茲肇造宜建都邑定鼎之基永固無窮之業在斯公私府宅規模遠近營構資費隨事條奏仍詔左僕射高穎將作大匠劉龍鉅鹿郡公賀婁子幹太府少卿高龍父等創造新都三年春正月經營廟社規度宮闈闕八月乃用告成四年春正月丙辰大赦甲子幸于仁壽宮忽上不豫七月甲辰上疾甚臥于仁壽宮與百僚辭訣太平御覽

卷百六

三

並握手獻歎是時唯太子及陳宣華夫人侍疾太子無禮喧華訖之帝怒曰死狗那堪付後事遽令召男楊素秘不宣乃昇左右令張衝入見帝血濺屏風寃痛之聲聞於外年六十四在位二十四年

史臣曰高龍德在田奇表見外晦明藏用故知我者希始以外戚之尊受托孤之任與能之議未爲當時所許是以周室舊臣咸懷憤慨旣而王謙固三蜀之阻不踰期月尉遲迥舉全齊之衆一戰而亡斯乃非止人謀抑亦天之所贊也乘茲機會遂遷周鼎于時鸞夷猾夏荆楊未平劬勞日昃經營四方樓船南邁則金陵失險驃騎北指則單于款塞職方所載並入疆理禹貢所圖咸受正朔雖晉武之克

平吳會漢宣之推亡固存比義論功不尙也七德能旣敷
九舞已洽要荒咸暨尉侯無警於是躬節儉平徭賦倉廩
實法令行君子咸樂其生小人各安其業強無凌弱衆不
暴寡人物殷阜朝野歡娛二十年閒天下無事區宇之內
晏如也考之前王足以叅縱盛烈但素無學術不能盡下
無寬仁之度有刻薄之資暨乎期年此風淪扇又雅好祥
瑞暗於大道建彼維城權侔景室人皆怨望靡所適從聽
讒婦之言惑邪臣之說溺寵廢嫡託付失所滅父子之道
開崑弟之隙縱其尋斧剪伐本枝墳土未訖子孫繼重屠
戮松檟纒列天下已非隋有惜迹其衰怠之原稽其亂仁
之兆起自高祖成於煬帝所由來遠矣非一朝一夕其不
太平御覽

卷百六

四

祀忽諸爲不幸也

煬皇帝

隋書曰煬皇帝諱廣字多英小字阿麼高祖第二子也母
曰文獻獨孤皇后上美姿儀少敏慧高祖及后于諸子中
特所鍾愛在周以高祖勲封雁門郡公開皇元年立爲晉
王拜柱國并州總管時年十三尋授武衛大將軍進位上
柱國河北道行臺尙書令高祖令項成公歆安道公才李
徹輔導之上好學善屬文沉深嚴重朝野屬望高祖密令
善相者來和暹視諸子和曰晉王眉上雙骨隆起貴不可
言旣而高祖幸上居第見樂器絃多斷絕又有塵埃若不
用者以爲不好聲妓甚喜之上尤自矯飾當時稱爲仁孝

嘗觀獵遇雨左右進油衣上曰士卒皆霑濕我獨衣此乎
乃令持去六年轉淮南道行臺尙書令其年徵拜雍州牧
內史令八年冬大舉伐陳以上爲行軍元帥及陳平進位
太尉賜輅車乘馬袞冕之服玄珪白璧各一復拜并州總
管高祖之祀太山領武侯大將軍明年歸藩後數載突厥
寇邊復爲行軍元帥出虞武無虜而還及太子勇廢立上
爲太子是日當受冊高祖曰吾以大興公成帝業令上
出舍大興縣其夜烈風大雪地震山崩民舍多壞壓死者
百餘口仁壽初奉詔而東是後高祖每避暑仁壽宮恒令
上監國四年七月高祖崩上卽皇帝位於仁壽宮八月奉
梓宮還京師并州總管漢王諒舉兵反詔尙書左僕射楊
太平御覽

素討平之十一月癸丑詔可於伊維營建東京卽設官分
職以分民極也大業元年正月壬辰朔大赦改元立蕭氏
妃爲皇后改豫州爲溱州洛州爲豫州廢諸州總管府景
申立晉王昭爲皇太子三月丁未詔尙書令楊素納言楊
達將作大匠宇文愷營建東京徙豫州郭下居人以實之
辛亥發河南諸郡男女萬餘開通濟渠自西苑引穀洛水
達于河自板渚引河通於淮庚申遣黃門侍郎王弘上儀
同於士澄往江南採木造龍舟鳳舸黃龍赤艦樓舡等數
萬艘閏七月景子詔曰今宇宙平一文軌攸同十步之內
必有芳草四海之中豈無奇秀諸在家及見入學者若有
篤志好古耽悅典墳學行敏優堪膺時務所在採訪其以

名聞卽當隨其器能擢以不次八月壬寅上御龍舟幸江都
都以左武衛大將軍郭衍爲前軍李景爲後軍文武官五
品以上給樓船九品以上給黃後舳艫相接二百餘里冬
十月巳丑赦江淮以南揚州給復五年舊總管內給復三
年二年春正月辛酉東京成賜監督者各有差三月庚午
車駕發江都夏四月庚戌上自伊闕陳法駕備千乘萬騎
入於東京辛亥御端門大赦免天下今年租賦三年四月
甲午詔曰夫孝悌有關人倫之本德行敦厚立身之基或
節義可稱或操履清潔所以激貪厲俗有益風化兵執德
不撓學義優敏文才秀美並爲朝廊之用乃珊瑚之資才
堪將略拔以禦侮脇力驍壯任之爪牙爰及一藝可取亦

太平御覽

卷百六

六

宜採錄衆善畢舉與時無棄以此求治庶幾非遠文武有
職事者五品以上宜依今十科舉人有一于此不必求備
朕當待以不次隨才升擢景申車駕北巡狩六月戊子次
榆林郡丁酉啟民可汗來朝己亥吐谷渾高昌並遣使貢
方物甲辰上御北樓觀漁于河以察百僚秋七月辛亥啟
民可汗上表請變服襲冠帶詔啟民贊拜不名位在諸王
上侯甲寅上於郡城東御大帳其下備儀衛建旌旗宴啟民
及其部落三千五百人奏百戲之樂賜啟民及其部落各
有差八月壬午車駕發榆林乙酉啟民飾廬清道以候乘
輿帝幸其帳啟民奉觴上壽宴賜極厚上謂高麗使者曰
歸語爾王當早來朝見不然者吾與啟民廵汝土矣皇后

亦幸義城主帳巳丑啟民可汗歸藩癸巳入樓煩關壬寅次太原詔營晉陽宮九月巳未次濟源幸御史大夫張衡宅宴享極歡巳巳至於東都五年三月巳巳車駕西巡河右乙亥幸扶風舊宅夏四月乙亥大獵于隴西壬寅高昌吐谷渾伊吾并遣使來朝巳巳狄道黨項差來貢方物癸亥出臨津關渡黃河至西平陳兵講武五月乙亥上獵于諸山長圍周亘二千里庚辰入長寧谷度星嶺甲申晏羣臣於金山之上六月庚午次張掖辛亥詔諸羣學業該通才藝優敏膂力驍勇超絕等倫在營勤奮堪理政事立性正直不避強梗四科舉人壬子高昌王麴伯雅來朝伊吾吐屯設等獻西域數千里之地大悅景辰上御觀風行

太平御覽

卷百六

殿盛陳文物奏九部樂設魚龍曼延晏高昌王吐屯設於殿上以寵異之其蠻夷陪列者三十餘國戊午大赦天下開皇以來流配悉放還鄉晉陽逆黨不在此例也隴右諸郡給復一年行經之所給復二年秋七月丁卯置馬牧於青海渚中以求龍種無効而止九月癸未車駕入長安六年二月庚申徵魏齊周陳樂人悉配太常三月癸亥幸江都宮甲子以鴻臚卿史祥爲左驍衛大將軍夏四月晏江淮以南父老頒賜各有差七年二月巳未上升釣臺臨楊子津大宴百僚頒賜各有差庚申百濟遣使朝貢乙亥上自江都御龍舟入通濟渠遂幸於涿郡八年正月辛巳大將軍集於涿郡壬午下詔曰高麗小醜昏迷不恭崇大勃

碣之間薦食遼穢之境親總六師用伸九伐拯厥阽危協
從天意若高元泥首轅門自歸司寇卽宜解縛焚觀其餘
臣人歸朝奉順咸加慰撫各安生業隋才任用無隔夷夏
營壘所次務在整肅芻蕘有禁秋毫無犯布以恩宥諭以
禍福苦其同惡相濟抗拒官軍國有常刑俾無遺類明加
曉示稱朕意焉總管一百一十三萬三千八百號二百萬
其餽運者倍之癸未第一軍發糧四十日引師乃盡旌旗
亘千里近古出師之盛未之有也三月癸巳上御師甲午
臨戎於遼水橋戍戍大軍爲賊所拒不果濟右屯衛大將
軍左光祿大夫麥鐵枚武賁郎將錢士雄孟金义等皆死
之甲午車駕度遼大戰于東岸擊賊破之進圍遼東時諸

太平御覽

卷百六

八

將名奉旨不敢赴機旣而高麗各城守攻之不下六月已
未幸遼東責怒諸將止城西數里御六合城七月壬寅宇
文述等敗績於薩水右屯衛將軍辛世雄死之九軍並陷
將帥奔還亡者二千餘騎癸卯班師九月庚寅上至東都
九年春正月丁丑徹天下兵募民爲驍勇集於涿郡三月
戊寅幸遼東以越王侗民部尙書樊子蓋留守東都庚子
北海人郭方頂聚徒爲盜自號盧公衆至三萬攻陷金城
大掠而去夏四月庚午車駕度遼壬午遣宇文述楊義臣
趣平壤五月丁丑熒惑入南斗巳卯濟北人甄寶車聚衆
萬餘寇掠城邑六月乙巳禮部尙書楊玄感反於黎陽景
辰玄感逼東都河南贊務裴弘策拒之反爲賊所敗戊辰

兵部侍郎斛斯政奔於高麗庚午上班師高麗犯後軍八月壬寅左翊衛大將軍宇文述等破楊玄感於閩鄉斬之餘黨悉平十年二月辛卯詔曰暮爾高麗僻屈荒表鳥張狼噬侮慢不恭縹緲我邊陲侵軼我城鎮是以去歲出軍聞罪遼碣殪長蛇於玄菟焚其城郭汚其宮室高元狀鑽泥首送款軍門尋請入朝歸罪司寇朕已許其改過乃詔班師而長惡靡悛安心鳩毒此而可忍孰不可容便可分命六師百道俱進朕當親執武節臨御都軍秣馬九都觀兵遼水順天誅於海外救窮民于倒懸征伐以正之明德以誅之止除元惡餘無所問二月壬子幸涿郡癸亥次臨

喻宮親御戎服禡祭黃帝斬叛軍者以鼙鼓秋七月甲子

太平御覽

卷百六

九

高麗遣使請降囚送斛斯政上大悅八月己巳班師十二月壬申上如東都大赦天下戊子入東都十二年七月甲子幸江都宮以越王侗光祿大夫段達大府卿元文都檢校民部尚書韋津左武衛將軍皇甫無逸右司郎盧楚守留總後事十三年二月己丑馬邑校尉劉武周殺太守王仁恭舉兵作亂北連突厥自稱定陽可汗庚寅賊師李密翟讓等陷興洛倉越王侗遣武賁郎將劉長恭光祿少卿房胤擊之反爲所敗死者十五六庚子李密自號魏公稱元年開倉以賑羣盜衆至數十萬河南諸郡相繼皆陷焉五月甲子唐公起義師於太原景寅突厥數千寇太原唐公擊破之秋七月壬子熒惑守積屍景辰武威人李軌舉

兵反攻陷河西諸郡自稱涼王建元安樂八月辛巳唐公破武牙郎將宋老生於霍邑斬之十一月景辰唐公入京師辛酉遙尊帝爲太上皇立代王侑爲帝改元義寧帝在江都聞唐公舉兵動容者久之以手舉案曰渠有異相渠得之矣如此者再三遂欲渡江幸青陽時宿衛諸將皆是秦人各有懷土之志宇文文化及固人之心舉裴虔通作亂入犯宮闈宿侍皆走遂挑帝將出示衆數十罪復引帝入求鳩不得令帝使坐以練縊之時年五十蕭后令宮人撤牀簣爲棺以埋之化及發後右禦衛將軍陳稜奉梓宮於成象殿塋吳公臺下發斂之始容貌若生衆咸異之唐平江南之後改塋雷塘初上自以藩王次不當立每矯情飾太平御覽

卷一百六

十

行以鈞虛名陰有奪宗之計時高祖雅信文獻皇后而性忌媵妾皇太子勇內多嬖幸以此失愛帝后庭有子皆不育之示無私寵取媚於后大臣用事者傾心與交中始至第無貴賤皆曲承顏色伸以厚禮婢僕往來者無不稱其仁孝又常私入宮掖密謀于獻后楊素等因機搆扇遂成廢立

太平御覽卷第一百七

皇王部三十二

隋恭皇帝

李密

王世充

竇建德附

隋恭皇帝

隋書曰恭皇帝諱侑元德太子之子母曰章妃聰敏有器度大業三年立爲陳王後數載徙爲代王邑萬戶及煬帝親征遼東令於京師總留事十一年從幸晉陽拜太原太守尋鎮京師義兵入長安尊煬帝爲太上皇恭帝纂承大業十三年十一月壬戌上卽皇帝位於大興殿詔大赦天下改義寧元年大辟罪已下咸赦除之甲子以光祿大夫

太平御覽

卷二百七

一

大將軍太尉唐公爲假黃鉞使持節大都督內外諸軍事尙書令大丞相進位唐王二年三月景辰右屯衛將軍宇文化及弑太上皇於江都宮立秦王浩爲帝戊辰詔唐王備九錫之禮加璽綬遠遊冠綠綬位在諸侯王上唐國置丞相以下依舊式五月戊午詔曰天禍隋國大行太上皇遇盜江都酷甚望夷深驪北憫予小子奄建丕魯哀號承感心情糜潰仰惟荼毒仇復靡申形影相弔罔知啟處相國唐王應期命世扶危拯溺自北走南東征西怨合九州於一區次百乘於千里糾率夷夏大庇氓黎保乂朕躬繫王是賴德侔造化功格蒼昊兆庶驩心歷數斯在屈爲人臣載違天命在昔虞夏揖讓相推苟非重華誰堪命

禹合尊故事遜於舊邸庶官羣辟改事唐朝宜依前典趣
上尊號若釋重負感泰兼懷假手真人俾除醜禍濟濟多
士明知朕意仍勅有司凡有表奏皆不得以聞是日上遜
位於大唐唐以上爲鄴國公武德二年夏五月崩時年十
五

史臣曰恭帝年在幼冲遭家多難一人失德四海土崩羣
盜蜂起豺狼塞路南巢遂往流彘不歸既鍾百六之期躬
踐數終之運謳歌有屬笙鏞變響雖欲不遵堯舜之迹其
庸可得乎

李密

唐書曰李密字玄邃其先遼東襄平人也父寬隋上柱國
太平御覽 卷百七

蒲山郡公遂家長安密以父蔭爲左親侍常在仗下煬帝
顧見之退謂許公宇文述曰向者在伏下小兒爲誰許公
對曰故蒲山公李寬子密也帝曰箇黑色小兒視瞻異常
勿令宿衛他日述謂密曰帝聰令如此當以才學取官因
謝病專以讀書爲業時人希見其面嘗欲尋包愷乘一黃
牛被以蒲羈于牛將漢書一帙掛於角上一手提牛鞞一
手翻書卷尙書令越國公楊素見於道從後按轡躡之既
及問曰何處書生就學若此密識越國公乃下再拜自言
姓名又問所讀何書荅曰項羽傳越公奇之與語大悅謂
其子玄感等曰吾觀李密識度汝等不及於是玄感傾心

結納大業九年煬帝伐高麗監運將天下騷動玄感將謀

舉兵潛遣人入關迎密以爲謀密主至謂玄感曰今天子出征遠在遼外今公擁兵出其不意長驅入薊直扼其喉前有高麗退無歸路不過旬朔資糧必盡舉麾一招其衆自降不戰而擒此計之上也關中四塞天府之國若西入長安奄其無備天子雖還失其襟帶據險臨之故當必尅萬全之勢此計之中也若隨近逐便先取東都頓兵堅城之下勝負殊未可知此計之下也玄感曰公之下計乃上策也密計遂不行及玄感敗密閒行入關爲捕者所獲時煬帝在高麗密與其黨俱送帝所及出關外防範漸施密請通布酒食每夜讌飲誼譁竟夕使者不以爲意行至邯鄲密等七人夜穿牆而遁詣淮揚隱姓名自稱劉智遠聚

徒教授經數月密鬱鬱不得志爲詩曰金風盪初節玉露凋晚林此夕窮途士鬱陶傷寸心野平葭葦合村落藿藜深眺聽良多感徒淚獨霑襟霑襟何所爲恨然懷古意秦俗猶未平漢道將何異噲樊市井屠蕭何刀筆吏一朝時運會萬古傳名謚寄言世上英虛名其所愧詩成而泣下數行會東都賊帥翟讓聚黨萬餘人密往歸之密因王伯當以策干讓曰當今主昏於上人怨於下銳兵盡於遼東和親絕於突厥方乃巡遊揚鉞委弃京都此亦劉項奮起之會以足下雄材大畧席卷二京誅滅暴虐則隋氏之不足亡也讓深加敬異遣說諸小賊所至皆降密又謂讓曰今兵衆旣多糧無所出若直取滎陽休兵館穀待士馬

銳充然後與人爭利讓以爲然自是破金提關掠滎陽諸縣城堡多下之滎陽太守楊慶及通守張須陀以兵討讓讓大懼將遠避之密曰須陀勇兒無謀兵又驟勝旣驕且狠可一戰而擒之公但列陣以待爲公破之將戰密分兵千餘人於林木間設伏讓與戰不利稍却密發伏自後掩之須陀衆潰與讓合擊大破之遂斬須陀於陣讓令密別統所部密尋復說讓曰昏主蒙塵播蕩吳越羣兵竟起海內飢荒明公以英傑之才而統驍雄之旅宜當廓清天下誅剪羣凶豈可求食草間爲小盜而已今東都庶士中外離心畱守諸官政令不一明公親率大眾直掩興洛倉發粟以賑窮民遠近孰不歸附百萬之衆一朝可聚先發制

太平御覽

卷百七

四

人此機不可失也讓曰請君先發僕領諸軍便爲後殿得倉之日當別議之大業十三年春密與讓領精兵千人出陽城北踰方山自羅口襲興洛倉破之開倉恣人所取老弱襁負道路不絕衆至數十萬隋越王侗遣虎賁將劉長恭率步騎二萬五千討密密一戰破之長恭僅以身免讓於是推密爲主號爲魏公二月于鞏南設壇場卽位稱元年其文書行下曰稱行軍元帥魏公府拜翟讓爲司徒封東郡公於是洛城周廻四十里以居之長白山賊孟讓率所部歸密鞏縣長柴孝和侍御史鄭頤以鞏縣降密隋虎賁郎將裴仁基率其子行儼以武牢歸密因遣仁基

與孟讓率兵二萬餘人襲迴洛倉破之入東郡俘掠屈人

燒天津東都出兵乘之仁基等大敗密復親率兵三萬逼東都將軍段達等出兵七萬拒之戰於故都城隋軍敗走密復下廻洛倉而據之大修營堡僅以逼東都仍作畫以移郡縣數煬帝十罪密兵鋒甚銳每入陣與隋兵連戰會密爲流矢所中臥於營內東都復出兵乘之密衆大潰棄廻洛倉歸於洛口煬帝遣王世充率勁卒五萬擊之密戰不利世充營於洛西與密相拒百餘日木小六十餘戰武陽郡丞元寶藏黎陽賊李文栢涇水賊帥張昇清河賊帥趙君德平原賊帥郝孝德並歸于密共襲破黎陽據之翟讓部將王儒信勸讓爲大冢宰摠統衆務以奪密之權讓兄寬復謂讓曰天子止可自作安得與人汝若不能作我

太平御覽

卷百七

五

當爲之密聞其言陰有圖讓之計會世充列陣而至讓出拒之爲世充所擊讓軍稍失利密與單雄信等率精銳赴之世充敗走明日讓徑至密所欲爲宴樂具饌以待之密遣人微以良弓示讓讓方引滿密遣壯士自後斬之並殺其兄寬及王儒信讓部將徐世勳爲亂兵所斫中重瘡密遽止之得免單雄信等頓首求哀密並釋而慰諭之乃命徐世勳單雄信王伯當統其衆未幾世充襲倉城密復破之世充復移營洛北造浮橋悉衆以擊密密與千餘騎拒之不利而退世充因薄其城下密簡銳卒數百人以邀之世充大潰乘勝陷偃師於是修金墉城居之有衆三十餘萬將作大匠宇文愷叛東都降于密東至海岱南至江淮

郡縣莫不遣使歸密寶建德朱粲楊士林孟海公徐圓朗
盧祖尚周法明等並隋使通表於密勸進於是密下官屬
咸勸密卽尊號密曰東都未平不可議此及義旗建密負
其強盛欲自爲盟主乃致書呼高祖爲兄請合從以滅隋
高祖覽書笑曰李密陸梁放肆不可以折簡致之吾方安
輯京師未遑東討卽相阻絕便是更生一秦密合適所以
爲吾拒東都之兵守成皇之扼更求韓彭莫如用密宜卑
辭推獎以驕其志使其不虞于我我得入關阻蒲津而屯
永豐阻崤函而臨伊洛吾大事濟矣令記室溫大雅作書
報密曰天生蒸民民必有司牧當今爲牧非子而誰老夫
年餘知命願不及此欣戴大弟攀鱗附翼惟冀早應圖錄

太平御覽

卷百七

六

以寧兆庶宗盟之長屬籍見容復封于唐斯榮足矣殫商
辛于牧野所不忍言執子嬰于咸陽非敢聞命汾晉左右
尚須安輯盟津之會未暇卜期今日鑿與南幸恐同永嘉
之勢願比中原鞠爲草茂興言感嘆實疚于懷脫知動靜
數遲貽報未面靈襟用增勞軫名利之地鋒鏑縱橫深慎
垂堂勉茲鴻業密得書甚悅示其部下曰唐公見推天下
不足定也於是不虞義師而專意于世充俄而宇文化及
率衆自江都北指黎陽兵十餘萬密乃自將步騎二萬拒
之隋越王侗稱尊號遣使者授與密太尉尚書令東南道
大行臺行軍元帥魏國公令先平化及然後入朝輔政密
將與化及相抗恐前後受敵因卑辭以報謝焉化及至黎

陽與密相遇密遣徐世勣守倉城化及攻之不能下密知化及糧且盡絕因偽與和以獎其衆化及弗之悟大喜恣其兵食冀密饋之後知其詐化及怒與密大戰于衛州之童山下密爲流矢所中臥於汲縣化及力竭糧盡衆多叛之掠汲綿北趣魏縣密引兵而西遣使朝於東都執弑煬帝者於弘達以獻越王侗侗召密入朝至溫縣聞世充作難而止乃歸金墉城密雖據倉而無府庫兵數戰皆不獲賞又厚撫初附之兵由是衆心漸恐武德元年九月世充以其衆五千來決戰密留王伯當守金墉自引精兵就偃師北阻邙山以待之世充軍至密遂敗績密與萬餘人馳向洛口密將入洛口倉城邴元真已遣人潛引世充密因

太平御覽

卷百七

七

知之不發其事欲待世充兵半渡洛水然後擊之及世充軍至密候騎不時覺比將出戰世充軍已濟矣密自度不能支引騎而遁徑赴武牢元真竟以城降於世充密將入黎陽或謂密曰殺翟讓之際徐世勣幾至於死今向具所安可保乎時王伯當棄金墉保河陽密以輕騎自武平歸之謂伯當曰兵敗矣久苦諸君我今自刎請以謝衆伯當抱密號叫慟哭衆皆泣莫能仰視密復曰諸軍幸不相棄當共歸關中密身雖媿無功諸君必保富貴於是從入關尙二萬人高祖遣使迎勞相望於道密大喜謂其徒曰我有衆百萬一朝至此命也今事敗歸國幸蒙殊遇當思竭忠以事所奉耳且山東連城數百知吾至此遣使招之盡

當歸國比於寶融勲亦不細豈不以一台司見處乎及至京師禮數益薄尋拜光祿卿封邢國公未幾聞其所部將帥皆不附世充高祖使密領本部兵往黎陽招集故時將仕經畧世充時王伯當爲左武衛將軍亦令爲副密行至桃林高祖復徵之密大懼謀將叛伯當頗止之密不從因謂密曰義士之志也不以存亡易心伯當荷公恩禮期以性命相報乃簡驍勇數千人著婦人衣載羸離藏刀裙下詐爲妻妾自牽之入桃林縣舍須臾變服突出因據縣城驅掠畜產直趨南山時右翊衛將軍史萬寶留鎮熊州遣副將盛彥師率步騎數千追攝至陸渾縣南七十里與密相及彥師伏兵山谷密軍半渡橫出擊敗之斬密時年三

太平御覽

卷百七

八

十七王伯當亦死之

又曰王世充字行滿本姓支西域胡人也世充頗涉經史尤好兵法及龜策推步之術開皇中以軍功拜儀同善敷奏明習法律然舞弄文法高下其心或有駁難之者世充利飾非辭議鋒起衆雖知其不可而莫能屈大業中累遷江都郡丞兼領江都宮監時煬帝數幸江都世充善候人主顏色阿諛順旨每入言事帝必稱善乃雕飾池臺陰奏遠方珍物以媚於帝由是益昵之十年齊郡賊帥孟讓自長白山寇掠諸郡至盱眙有衆十餘萬世充以兵拒之保都梁山爲五柵相持不戰乃倡言兵走羸師自弱讓笑曰

王世充文法小吏安能領兵吾令生縛取之鼓行而入江

都時百姓皆入壁野無所掠賊衆漸餒又苦柵當其道不得南侵卽分兵圍五柵世克每日擊之陽不利走還入柵如是數日讓益輕之乃稍分人于南方抄留兵纔足以圍柵世克知其懈乃稍分人于南方抄留兵纔足以圍柵而充知其懈乃于營中夷竈撤幕設方陣四面外向毀柵而出奮擊大破之讓以數十騎遁去斬首萬餘級俘虜十餘萬人煬帝以世克有將帥才畧復遣領兵討捕諸小盜所向盡平十一年突厥圍煬帝於雁門世克盡發江都人將往赴難在軍中蓬首垢面悲泣無度曉夜不解甲藉草而臥煬帝聞之以爲忠益信任之十二年遷江都通守及李密攻陷洛口倉進逼東都煬帝特詔世克大發兵於洛口

太平御覽

卷百七

九

以拒密又遣就軍拜世克爲將軍趣令破賊世克引軍渡洛水與李密戰世克軍敗績乃率餘衆歸河陽時天寒大雪在道凍死比至河陽纔以千數世克自繫獄請罪越王侗遣使赦之徵還洛陽置營於含嘉倉城收合亡散復萬餘人俄而宇文化及作難越王侗遂嗣位于東都拜世克爲吏部尚書封鄭國公進拜尚書左僕射總督內外諸軍事世克去令嘉城移居尚書省專宰朝政以其兄世暉爲內史令入居禁中子弟咸擁兵馬鎮諸城邑未幾李密破化及還其勁兵良馬多戰死士卒疲倦世克欲乘其弊而擊之恐人心不一乃假託鬼神言夢見周公乃立祠于洛水遣巫宣言周公欲令僕射急討李密當有大功否則兵

皆疫死世充兵多楚人俗信妖言衆皆請戰充簡練精勇
得二萬餘人馬二千餘匹軍於洛水南密軍偃師北山上
充夜遣三百餘騎潛入北山伏谿谷中令軍人秣馬蓐食
遲明而薄密密軍潰走保洛口世充進兵次洛口密以數
十騎走河陽率餘衆入朝世充盡收其衆振旅而還侗進
拜世充太尉以尙書省爲其府備置官屬充嘗于侗前賜
食還家大嘔吐疑遇毒所致自是不復朝請與侗絕矣請
加九錫之禮二年三月遂策授相國摠百揆封鄭王加九
錫備物段達雲定興等入見于侗曰天命不常鄭王功德
甚盛願陛下揖讓告禪遵唐虞之迹侗怒達等莫不流涕
四月假爲侗詔策禪位遣兄世憚廢侗於含涼殿世充僭
太平御覽

卽皇帝位建元曰開明國號鄭立子玄應爲皇太子世充
每聽朝必殷勤誨諭言詞重復千端萬緒或輕騎遊歷街
衢亦不清道謂百姓曰昔時天子深坐九重在下事情無
由聞徹世充非貪寶位本欲救時今當如一州刺史每事
親覽當與士庶共評朝政今止於順天門外置坐聽朝又
令西朝堂受屈抑東朝堂受直諫於是獻書上事日有數
百條疏旣煩省覽難遍數日後不復更出世充遣其姪行
本鳩殺侗諡曰恭皇帝十一月世充率衆東徇地至于滑
州仍以兵臨黎陽世充屯兵不散倉粟日盡城中人相食
七月秦王率兵攻之陳兵於青城宮世充悉兵來拒隔澗
而言曰隋末喪亂天下分崩長安洛陽各有分地世充惟

願自守不敢西侵王乃盛相侵軼遠入吾地三崕之道千里饋糧以此出師未見其可太宗謂曰四海之內皆從正朔惟公執迷獨阻聲數東都士庶亟請王師關中義勇感恩致力至遵重違衆願有斯弔伐若轉禍來降則富貴可保如欲相抗無假多言世充無以報太宗分遣諸將攻其城鎮所至輒下九月王君廓攻拔世充之轅轅縣東徇地至管城而還於是河南州縣相次降附十一月竇建德遣人結好并陳救援之意世充乃遣其兄子琬及內史令長孫安世報聘且乞師四年二月世充率兵出方諸門與王師相抗世充兵敗因乘勝追之屯其城門世充不復敢出但嬰城自守以待建德之援三月秦王擒建德并王琬長

太平御覽

卷百七

十一

孫安世等于武牢廼至東都城下以示之且遣安世入城便言敗狀世充惶惑不知所爲將潰圍而出南走襄陽謀於諸將皆不荅乃率其將吏詣軍門請降秦王以世充至長安高祖數其罪世充對曰計臣之罪誠不容誅但陛下愛子秦王許臣不死高祖乃釋之與兄芮妻子同徙于蜀將行爲讐人獨孤修所殺世充自篡位凡三年而滅

竇建德附

又曰竇建德漳州章南人也少時頗以然諾爲事初里長犯法亡去會赦得賜父卒送塋者千餘人有所贈皆讓而不受大業七年募人討高麗本郡遂補建德爲二百長時山東大水人多流安祖家爲水所滄妻子餒死縣以安祖

驍勇亦選在其中安祖辭貧自言于漳南令令怒笞之安祖刺殺令亡投建德建德舍之是歲山東大餓建德謂安祖曰丈夫不死當立大功豈可爲逃亡之虜也我知高鷄泊中廣大數百里莞蒲阻深可以逃難乘間而出虜掠足以自資旣得衆人且觀時變必有大功于天下矣安祖然其計建德招誘逃兵及無產業者得數百人令安祖率之入泊中爲盜安祖自稱將軍皆鄒人張金稱義結聚得萬人在河阻中蓀人高士達亦得兵數千餘人在清河界中時諸盜賊往來漳南者所過皆殺掠居人焚燒舍宅獨不入建德之間由是郡縣意建德與賊徒交結收繫家屬無少長皆殺之建德聞其家被屠滅率麾下二千人亡歸士太平御覽

卷百七

十三

達士達自稱東海公以建德爲司兵後安祖爲張金稱所殺其兵數千人又盡歸於建德自此漸盛兵至萬餘人猶往來高雞泊中十二年涿郡通守郭絢率兵萬餘人來討士達士達自以智畧不及建德乃進爲軍司馬咸以兵授焉建德旣初董衆欲立奇功以威羣賊請士達守輜重自簡精兵七千人以拒絢大破絢軍絢以數千騎遁走遣將追及平原斬其首以獻士達由是建德之聲勢益振隋遣太僕卿楊義臣率兵萬餘人討張金稱破之於清河所獲賊衆皆屠滅餘散在草澤間復相聚而投建德義臣乘勝至平原欲入高雞泊建德謂士達曰歷觀隋將善用兵者唯義臣耳新破金稱遠來襲我其鋒不可當請引兵避之

令其欲戰不得空延歲月將士疲倦乘便襲擊可有大功
今若爭鋒恐公不能敵也士達不從其言因留建德守壁
自率精兵逆擊義臣戰小勝有輕義臣之心建德遂留人
守壁自率精銳百餘據險以防士達之敗後五日義臣果
大破士達於陣斬之乘勝追奔將圍建德守兵既少聞士
達敗衆皆潰散建德率百餘騎亡去義臣殺士達以爲建
德不足憂建德復還平原招集亡卒得數千人軍復大振
始自稱將軍此後隋郡長吏率城以降之軍容益盛勝兵
十餘萬人十三年正月築壇場于河間樂壽界中自稱長
樂王進攻河間頻戰不下其後城中食少又聞煬帝被弑
郡丞王琮率士吏發喪建德遣使弔之琮因使者請降授
太平御覽

卷百七

十三

琮瀛州刺史始都樂壽號曰金城宮自是郡縣多下之武
德二年宇文化及僭號於魏縣建德卽日領兵討化及連
戰大破之化及保聊城建德四面攻城陷之建德入城先
謁蕭皇后與語稱臣悉收弑煬帝元謀者斬之梟首轅門
之外囚化及并其二子同載以檻車至大陸縣斬之攻陷
涿州虜刺史袁子幹遷都於涿州號萬春宮又與王世充
結好遣使朝隋越王侗于洛陽後世充廢侗自立乃絕之
始自尊大建天子旌旗出警入蹕下書言詔追諡煬帝爲
閔帝然猶依附突厥隋義城公主先嫁突厥又傳化及首
以獻公主旣與突厥相連兵鋒益盛南侵相州河州大使
淮安王神通不能拒退奔黎陽相州陷又進攻衛州陷黎

陽九月建德自率師圍幽州羅藝出兵與戰大破之斬首十二萬級先曹州濟陰人孟海公擁精兵三萬據州橋成以掠河南之地其年十一月建德自率兵渡河以擊之四年二月建德尅州橋虜海公畱其將其范願守曹州悉發海公及徐園朗之衆來救世充軍至滑州世充行臺僕射韓洪開城納之遂進逼元州梁州管州皆陷之屯于滎陽三年春秦王入武牢進薄其營焚掠傷殺并擒其將殷秋石瓚時世充弟世辨爲徐州行臺起止將郭士衡領兵數千人從之合衆十餘萬號爲三十萬軍次成臯築官于坂渚以示必戰又遣間使約世充共爲表裏秦王遣將軍王君廓領輕騎數千餘抄出糧運獲其大將張青持虜獲甚

太平御覽

卷百七

十四

衆建德數不利人情危駭將帥以下被孟海公皆有心思歸洺州凌敬進曰宜悉兵濟河攻取淮河河陽取重將居守更率衆鳴鼓建旗踰太行入上黨先聲後實傳徼而定趨壺口稍駭蒲津收河東之地此策之上也行此必有利一則入無人之境師有萬全二則拓土得兵三則鄭圍自解建德將從之而世充之使長孫安世陰齎金玉啗其諸將以亂其謀衆咸進諫曰凌敬書生耳豈可與言戰乎建德從之敬固爭建德怒扶出焉於是悉衆進逼武牢官軍按甲剗其銳及建德結陣於汜水秦王遣騎挑之建德進軍而戰竇抗當之建德少却秦王馳騎深入反覆四五合大破之建德中創竄入牛口渚車騎將軍白士讓楊武

威生獲之建德所領兵衆一時奔潰妻曹氏及其左僕射
齊善行將數百騎遁於洺州餘黨欲建德養子爲主善行
曰夏王平定河朔兵馬精強一朝被擒如此豈非天命有
所歸也不如委心請命無爲塗炭生人遂以府庫財物悉
分士卒各令散去善行乃與建德右僕射裴矩行臺曹旦
及建德妻率僞宮屬舉山東之地奉傳國等八璽來降七
月秦王俘建德至京師斬於長安市年四十九自起軍至
滅凡六年河北悉平

太平御覽

卷百七

七

太平御覽卷第一百八

皇王部三十三

唐高祖神堯皇帝

唐書曰高祖神堯皇帝姓李諱淵其先隴西狄道人涼武昭王暠七代孫也暠生歆歆生重耳仕魏爲弘農太守重耳生熙爲金門鎮將領豪傑鎮武川因家焉儀鳳中追尊宣皇帝熙生天賜仕魏爲幢主儀鳳中追尊光皇帝生皇祖諱虎孫仕魏左僕射封隴西郡公與周文帝及太保李弼大司馬獨孤信等以功叅佐命當時稱爲八柱仍賜姓大野氏周受禪追封唐國公至隋文帝作相還復本姓武德初追尊景皇帝廟號太祖皇考諱昺

音丙

周安州總管柱

太平御覽

卷一百八

一

國大將軍襲唐國公諡曰仁武德初追尊元皇帝廟號世祖高祖以周天和元年生於長安七歲襲唐國公及長僞儻豁達任性真率寬仁容衆無貴賤咸得其歡心隋受禪補千牛備身文帝獨孤皇后卽高祖從母也由是特見親愛累轉譙隴岐三州刺史有史世良者善相人謂高祖曰公骨非常必爲人主願自愛勿忘鄙言高祖願以自負大業初爲滎陽樓煩二郡太守徵爲殿內少監九年遷衛尉少卿遼東之役督運於懷遠鎮及楊玄感反詔高祖馳驛鎮弘化郡兼知關右諸軍事高祖歷試中外素樹恩德及是結納豪傑衆多歎附時煬帝多所猜忌人懷疑忌會有詔徵高祖詣行在所遇疾未謁時甥王氏在後宮帝問曰

汝舅何遲王氏以疾對帝曰可得死否高祖聞之益懼因縱酒沈湎納賄以混其迹焉十一年煬帝幸汾陽宮命高祖往山西河東點陟討捕師次龍門賊帥毋端兒帥數千簿于城下高祖縱十餘騎擊之所射七十發皆應弦而倒賊乃大潰十二年爲太原畱守郡丞王威武牙郎將高君雅爲副將羣賊蜂起江都阻絕太宗以晉陽令劉文靜首謀勸舉義兵俄而馬邑校尉劉武周據汾陽宮舉兵反高祖乃命太宗與劉文靜及門下客長孫順德劉弘基各募兵旬日閒衆且一萬密遣使召世子建成及元吉於河東威與君雅見兵大集恐高祖爲變相與疑懼請高祖祈雨于晉祠將爲不利晉陽鄉長劉世龍知之以告高祖陰爲

太平御覽

卷一百八

二

之備五月甲子高祖與威君雅視事太宗密嚴兵於外以備非常遣開陽府司馬劉政會告威等謀反卽斬以狗遂起義兵遣劉文靜使於突厥始畢可汗令率兵相應六月甲申命太宗將兵徇河西下之癸巳建大將軍府并置三軍分爲左右開倉庫以賑窮乏遠近響應秋七月高祖率兵西晉關中以元吉爲鎮北將軍太原畱守癸丑發自太原有兵三萬丙辰師次靈石縣營於賈胡堡隨武牙郎將宋老生屯霍邑以拒義師會霖雨積旬餽運不給高祖命旋師太宗切諫乃止有白衣老父詣軍門曰余爲霍山神使謁唐皇帝曰八月雨止路出霍邑東南吾當濟師高祖曰此神不欺趙無恤豈負我哉八月辛巳高祖引師趨靈

邑斬宋老生平霍邑丙戌進下臨汾郡及絳郡癸巳至龍門突厥始畢可汗遣康稍利率兵與劉文靜會于麾下隋驍衛大將軍屈突通鎮河東津梁斷絕關中白義者頗以爲阻河東水濱居人競進舟楫不謀而至前後數百人九月壬寅馮翊賊帥孫華土門賊帥白玄度各率其衆送欵并具舟楫以待義師高祖令華與鎮軍王長諧劉弘基引兵渡河屈突通遣其武牙郎將桑顯和率兵數千夜襲長諧義師不利太宗以遊騎數十掩其後顯和潰敬義師復振丙辰馮翊太守蕭造以郡來降戊午高祖親率衆圍河東屈突通自守不出乃命攻城不利而還文武將吏請高祖領太尉加置僚佐從之華陰令李孝常以永豐倉來降

太平御覽

卷一百八

三

唐高祖率軍濟河舍于長春宮之秦士庶至者日以千騎高祖禮之咸過所望人皆喜悅丙寅遣隴西公建成司馬劉文靜屯兵永豐倉兼守潼關以備他盜太宗率劉弘基長孫順德等前後數萬人自渭北徇三輔所向皆下高祖從父弟神通起兵鄠縣柴氏婦舉兵於司竹至是並與太宗會乙亥命太宗自渭汭屯兵阿城隴西公建成自新豐趣霸上高祖率大軍自下邳西上經煬帝行宮園苑悉罷之宮女放還親屬冬十月辛巳至長樂宮有衆二十萬京師留守刑部尙書衛文昇右翊衛將軍陰世師京兆郡丞滑儀挾代王侑音宥以拒義師高祖遣使至城下諭以匡復之意再三皆不報諸將固請圍城十一月丙辰攻拔京城

衛文昇先以病死以陰世師滑儀等拒義兵並斬之癸亥
率百僚備法駕立代王侑爲天子遙尊煬帝爲太上皇大
赦改元爲義寧甲子隋帝加高祖假黃鉞使持節大都督
內外諸軍事大丞相進封唐王總錄萬機以武德殿爲丞
相府改教爲令以隴西公建成爲唐國世子太宗爲京兆
尹改封秦公元吉爲齊公十二月癸未丞相府置長史司
錄已下官僚金城賊薛舉寇扶風命太宗爲元帥擊之遣
趙郡公孝恭招慰山南所至皆下癸巳太宗大破薛舉之
衆於扶風屈突通自潼州奔東都劉文靜等追擒於閩鄉
虜其衆數萬河池太守蕭瑀以郡降丙午遣雲陽令詹俊
武沂縣正李仲袞狗巴蜀之下二年春正月戊辰世子建

太平御覽

卷一百八

四

成爲撫寧大將軍東討元帥太宗爲副總兵守東都三月
丙辰右屯衛將軍宇文弼及弒隋太上皇於江都宮立秦
王浩爲帝自稱大丞相徙封太宗爲趙國公戊辰隋帝進
高祖位相國總百揆備九錫夏四月戊戌世子建成及太
宗自東都班師五月乙巳天子詔高祖冕十二旒建天子
旌旗出警入蹕王后與王子王女爵命之號一遵舊典戊
午隋帝詔遣使持節奉皇帝璽綬於高祖高祖辭讓百僚
上表勸進至於再三乃從之隋帝遜於舊邸改大興殿爲
太極殿甲子高祖卽皇帝位於太極殿命刑部尙書蕭造
兼太尉告於南郊大赦天下改隋義寧二年爲唐武德元

年官僚百姓賜爵一級義師所行之處給復三年罷郡置

州改太守爲刺史丁卯會百官於大極殿賜帛有差東都
留守共立隋越王侗爲帝王申命國相長史裴寂等脩律
令六月甲戌太宗爲尙書令相國府長史裴寂爲尙書右
僕射廢隋大業律令頒新格乙卯備法駕迎皇高祖宣簡
公己下神主附於太廟追謚妃竇氏爲太穆皇后庚辰立
世子建成爲皇太子封太宗爲秦王齊國公元吉爲齊王
諸州總管加號使持節癸未封隋帝爲鄴國公薛舉寇涇
州命秦王爲西討元帥征之改封永康王神通爲淮安王
壬辰加秦王爲雍州牧餘官如故秋七月秦王與薛舉大
戰於涇州我帥敗績八月壬午薛舉死其子仁果復僭稱
帝命秦王爲元帥以討之梁州賊帥李軌以其地來降拜

太平御覽

卷一百八

五

涼州總管封涼王九月己巳親錄囚徒辛未追謚隋太上
皇爲煬帝宇文化及至魏州鳩殺秦王浩僭稱天子國號
許冬十月李密率衆來降十一月秦王大破薛仁果於淺
水原降之隴右平乙巳涼王李軌僭稱天子於涼州詔頒
五十三條格以約法緩刑十二月壬辰加秦王太尉陝東
道大行臺庚子李密叛於桃林行軍總管盛彥師追討斬
之二年春二月丁酉竇建德攻宇文化及于聊城斬之傳
首突厥二月辛丑劉武周侵我并州己酉李密舊將徐世
勣以黎陽之衆及河南十郡降授黎州總管封曹國公封
賜姓李氏庚戌上徵行都邑以察吐俗卽日還宮甲寅賊
師朱粲殺我使散騎常侍段確奔洛陽夏四月乙巳王世

充與越王侗僭稱天子國號鄭辛亥李軌爲其僞尙書安
興貴所執以降河右平九月辛未賊師李子通據江都僭
稱天子國號吳沈法卿據毘陵僭稱梁玉丁丑和州賊帥
杜伏威遣使來降授和州總管東南道行臺尙書令封楚
王裴寂與劉武周將宋金剛戰于界州我師敗績右武衛
大將軍姜寶誼死之并州總管齊王元吉懼武周所逼奔
於京師并州陷乙未京師地震甲子上親祠華岳十一月
丙午竇建德陷黎陽盡有山東之地淮安王神通左武侯
大將軍李世勣皆沒于賊十二月丙申永安王孝基工部
尙書獨孤懷恩總管子筠爲劉武周將宋金剛掩襲并沒
焉甲辰狩于華山壬子大風拔木三年春正月辛巳幸蒲

太平御覽

卷一百八

六

州命祀舜廟癸巳至自蒲州甲午李世勣于竇建德所自
拔歸國建德僭稱夏王四月甲寅加秦王益州道行臺尙
書令秦王大破宋金剛於界州金剛武周俱奔突厥遂平
并州僞總管尉遲敬德等相以界州降六月徙封楚王杜
伏威封爲吳王賜信李氏加授東南道行臺尙書令丙午
親錄囚徒七月命秦王率諸軍討王世充遣皇太子鎮蒲
州以備突厥丙申突厥殺劉武周於白道冬十月庚子懷
戎賊帥高開道遣使來降授尉州總管封北平郡王賜姓
李氏四年五月己未秦王大破竇建德之衆於武牢擒建
德河北悉平丙寅王世充舉東郡降河南平秋七月甲子
秦王凱旋獻俘於太廟丁卯大赦天下廢五銖錢行開元

通寶錢斬竇建德于市流王世充於蜀甲戌建德餘黨劉黑闥據漳南反置山東道行臺尙書省於洛州八月兗州總管徐圓朗舉兵反以應劉黑闥僭稱魯王冬十月乙丑加秦王天策上將位在王公上領司徒陝東道大行臺尙書令齊王元吉爲司空己巳趙郡王孝恭平荊州獲蕭銑五年春正月丙申劉黑闥據洛州僭稱漢東王三月丁未秦王破劉黑闥于沼上盡復所陷州縣黑闥亡奔突厥蔚州總管北平王高開道叛寇揚州夏四月庚戌秦王遣師高祖迎勞於長樂宮王申代州總管定襄郡王大思爲虜所敗死六月劉黑闥引突厥寇邛東置諫議大夫官通秋七月隋漢陽太守馮盎以南越之地來降嶺表悉定八月

太平御覽

卷一百八

七

辛亥以詔并隋幽交五州爲大都總管府改封恒山王永乾爲中山王墓煬帝於揚州丙辰突厥頡利寇雁門己未進寇朔州遣皇太子及秦王討擊大敗之冬十月己酉遣齊王元吉擊劉黑闥於韶州時山東州縣多爲劉黑闥所守所在殺良吏以應之行軍總管淮陽王道玄與黑闥戰于千博道玄敗沒十一月甲申命皇太子率兵討劉黑闥丙申幸直州簡閔將士十二月丙辰校獵於華池庚申至自宜州皇太子破劉黑闥於魏州斬之山東平六年春二月辛亥校獵於驪山三月乙未幸昆明池宴百官夏四月己未幸舊宅改爲通義宮曲歌京師繫因於是置酒爲會賜從官帛各有差癸酉以尙書左僕射魏國公裴寂爲左

僕射中書令宋國公蕭瑀爲右僕射秋七月突厥頡利寇
荊州遣皇太子及秦王屯并州以備之八月壬子東南道
行臺僕射輔公據丹陽反僭稱宋王遣趙郡王孝恭及嶺
南道大使永康縣公李靖討之丙寅吐谷渾內附九月丙
子突厥退皇太子班師七年二月丁巳幸國子學親臨釋
奠改大總管府爲大都督府三月戊寅廢尙書省六司侍
郎增吏部中秩正四品掌選事戊戌趙郡王孝恭破輔公
祐擒之丹陽平夏四月庚子大赦天下頒行新律令以天
下大定詔遭父母喪者聽終制五月造仁智宮於宜州之
宜君縣李世勣討徐圓朗平之六月辛丑幸仁智宮秋七
月雋州地震山崩江水咽流八月戊辰突厥寇并州京師

戒嚴壬午突厥退乙未京師解嚴八年夏六月甲子幸太
和宮突厥寇定州命皇太子往幽州秦王往并州以備突
厥八月并州道總管張公謹與突厥戰於大谷王師敗績
中書令溫彥博沒於賊九月突厥退冬十月辛巳幸周氏
破校獵因幸龍躍宮九年春正月丙寅命州縣修城隍備
突厥尙書左僕射魏國公裴寂爲司空二月庚申加齊王
元吉爲司徒戊寅親祠社稷三月辛卯幸昆明池六月庚
申秦王以皇太子建成與齊王元吉謀害已率兵誅之詔
立秦王爲皇太子總統萬機大赦天下八月癸亥詔傳位
於太子尊帝爲太上皇徙居弘義宮改名太安宮貞觀八
年三月甲戌高祖諡西突厥使者於兩儀殿顧謂長孫無

忌曰當今蠻夷率服古未嘗有無忌上千萬歲壽高祖大
悅以酒賜太宗太宗又奉觴上壽流涕而言曰百姓獲安
四夷咸附皆遵奉聖旨豈臣之力於是太宗與文德皇后
互進御膳并上服御衣物一同家人常禮是歲閱武於城
西高祖親自臨視勞將士而還置酒於未央宮三品以上
咸侍高祖命突厥頡利可汗起舞又遣南越會長馮智戴
詠詩既而笑曰胡越一家自古未之有也太宗奉觴上壽
曰臣早蒙慈訓教以文道爰從義旗平定京邑重以薛舉
武周世克建德等幸而剋定三數年開混一區宇天慈崇
寵遂蒙重任今上天垂祐時和歲阜被髮左衽並爲臣妾
此豈臣智力皆由上稟聖筭高祖大悅侍臣皆呼萬歲九

太平御覽

卷一百八

九

年五月庚子高祖大漸下詔從漢制以日易月園陵制度
務從儉約是日崩於太安宮之垂拱前殿年七十諡曰大
武皇帝廟號高祖葬獻陵高宗上元元年改上尊號曰神
堯皇帝天寶十三年上尊號曰神堯大聖大光孝皇帝

太平御覽卷第一百九

皇王部三十四

唐太宗文皇帝

唐書曰太宗文皇帝諱世民高祖第二子也母曰太穆順聖皇后竇氏隋開皇十八年十二月戊午生於武功之別館時有二龍戲於館門之外三日而去高祖之臨岐州太宗時年四歲有書生自言善相謁高祖曰公貴人也且有貴子因見太宗曰龍鳳之姿天日之表年將二十必能濟世安民矣高祖懼其言泄將殺之忽失所在因採濟世安民之義以爲名焉太宗幼聰慧立鑿深遠臨機果斷不拘小節時人莫能測也大業末煬帝於雁門爲突厥所圍太

太平御覽

卷一百九

一

宗應募救援由是解圍而遁太宗時年十八有高陽賊帥魏刁兒自號惡山飛來攻太原高祖擊之深入賊陣太宗以輕騎突圍而進射之所向皆披靡拔高祖於萬衆之中遷令步兵與太宗又奮擊大破之時隋祚已終太宗潛圖義舉每折節下士推財養客及義兵起乃率兵畧徇西河克之拜右領都督右三軍皆隸焉燉煌郡公大軍西上賈胡堡隋將宋老生率精兵一萬屯霍邑以拒義師久兩糧盡高祖與裴寂議且還太原以圖後舉太宗曰本興大義以救蒼生當須先入咸陽號令天下遇小敵卽班師將恐從義之徒一朝解體還守太原一城之地此爲賊耳何以自全高祖不納促令引發太原遂號泣於外聲聞

帳中高祖詔問其故對曰令兵以義動進戰則必寇退還則必散衆散于前敵乘于後死亡須臾而至是以悲耳高祖悟而乃止八月己卯雨霽高祖引師趣霍邑太宗恐老生不出戰乃將數騎先詣其城下舉鞭指麾若將圍城者以激怒之老生果怒開門出兵背城而陣高祖與建成合陣於城東太宗及柴紹陣於城南老生麾兵疾進先薄高祖而建成墜馬老生乘之高祖與建成軍咸却太宗自南原率二騎馳下峻阪衝斷其軍引兵奮擊賊衆大敗各捨仗而走懸門發老生引繩欲上遂斬之平霍邑至河東關中豪傑爭走赴義太宗請進師入關取永豐倉以賑窮乏收羣盜以圍京師高祖稱善太宗以前軍濟河先定

太平御覽

卷一百九

二

渭北三輔吏民及諸豪猾詣軍門請自效者日以千計扶老攜幼滿於麾下收納英俊以備僚列遠近聞者咸自託焉師次於涇陽勝兵九萬破胡賊劉鶴子并其衆畱殷開山劉弘基屯長安故城太宗自趣司竹賊帥李仲文何潘仁向善志等皆來會頓於何城獲兵十三萬長安父老賚牛酒詣軍門者不可勝紀慰而遣之一無所受軍令嚴肅秋毫無所犯尋與大軍平京城高祖輔政受唐國內史改封秦國公會薛舉以勁卒十萬人來逼渭濱太宗親擊之大破其衆追斬萬餘級略地至於隴坻義寧元年十二月復爲右元帥總兵十萬徇東都及將旋謂左右曰賊見還必相追躡設三伏以待之俄而隋將段

達率萬餘人自後而至度三王陵發伏擊之段達大敗追之於城下因於宜陽新安置能穀二州戍之而還徙封趙國公高祖受禪拜尚書令右武侯大將軍進封秦王加授雍州牧三年七月總率諸將攻王世充於洛邑師次穀州世充率精兵三萬陣於慈澗太宗以輕騎挑之時衆寡不敵陷於重圍左右咸懼太宗命左右先歸獨畱後殿世充命將軍雄信數百騎夾道來逼交搶競進太宗幾爲所敗太宗左右射之無不應弦而倒獲其大將燕頤世充乃拔慈澗之鎮歸於東都太宗遣行軍總管史萬寶自宜陽南據龍門劉德威自太行東圍河內王君廓自洛口斷賊糧道又遣皇君漢夜從孝水河中下舟師襲迴洛城剋

之黃河已南莫不響應城堡相次來降大軍進屯邙山九月太宗與世充相遇會戰復破之斬首三千餘級獲大將陳智畧世充僅以身免其總管楊慶遣使請降遣李世勣率師出轅轅道安撫其衆榮汴洧豫九州相繼來降世充遂求救于竇建德四年二月又進屯青城宮營壘未立世充率衆二萬自方諸門臨穀水而陣太宗以精騎陣於北邙山令突厥通率步卒五千渡水以擊之因誡通曰待兵交卽放烟吾當率騎軍南下兵纔接太宗以騎衝之挺身先進與通表裏相應賊衆殊死戰散而復來合者數焉自辰及午賊衆稍退縱兵乘之俘斬八千人於是進營城下世充不敢復出但嬰城自守以待建德之援建德以兵

十萬來援世充至於酸棗蕭禹屆突通封德彘皆以腹背
受敵恐非萬全請退師穀州以觀之太宗曰世充糧盡內
外離心我當不勞攻擊坐收其弊建德斬破孟海公將驕
兵情吾當進據武牢扼其襟要賊若負險與我爭鋒破之
必矣如其不戰旬日閒世充當自潰若不速進賦入武牢
諸城新附必不能守二賊并力將若之何通又請解圍就
險以候其變太宗不許於是留通輔齊王元吉以圍世充
親率步騎三千伍百人趣武牢建德自滎陽西上築壘於
板渚太宗屯武牢相持二十餘日諜者曰建德伺官軍芻
盡俟牧馬於河北因將襲武牢太宗知其謀遂牧馬於河
北以誘之諜朝建德果悉衆而至陳兵汜水世充將郭士
衡衝陳於其南綿亘數里鼓譟諸將大懼太宗將數騎升
高丘以望之謂諸將曰賊起山東未見大敵今度險而
囂是無政令今逼城而陣有輕我心我按兵不出彼乃氣
衰陣久卒饑必將自退追而可擊無往不剋吾與公等約
以午時後可破之建德列陣辰至午兵士饑倦皆坐列
又爭飲水遠巡欲退太宗曰可擊矣親率輕騎誘之衆繼
至建德回師而陣未及整列太宗先登擊之所向皆靡
俄而衆軍合戰囂塵四起太宗率史大奈程瓌金秦叔
寶宇文歆等先入直突出其陣後張旗舉幟賊顧見之
大潰追奔三十里生擒建德於陣太宗數之曰我以干戈
問罪本在王世充得失存亡不預汝事何故越境犯我兵

鋒建德股慄而對曰今若不來恐勞遠取乃將建德至東
都城下世克懼率其官屬三千餘人詣軍門請降山東悉
平太宗入據宮城令蕭瑀竇軌等封守府庫一無所取令
記室房玄齡收隋圖籍於是誅其同惡段達等五十餘人
枉被囚禁者悉釋之非罪誅戮者祭而諫之大享將士班
賜有差高祖令尙書左僕射裴寂勞於軍中六月凱旋
太宗親被黃金甲陳鐵馬一萬騎甲士三萬人前後部
鼓吹俘二僞主及隋氏器物輦輅獻於太廟高祖大悅行
飲至禮以享焉高祖以自古舊官不稱殊功乃刻表徽號
用旌勲德十月加號天策上將陝東道大行臺賜玉璧一
雙黃金六十斤前後部鼓吹及九部之樂班劍四十人於

時海內漸平太宗又銳意經籍開文學館以待四方之士
行臺司勳郎中杜如晦等十有八人爲學士每更直閣
下降以溫顏與之論討經義或夜分而罷六年加中書
令九年皇太子建成齊王元吉謀害太宗六月太宗率長
孫無忌尉遲敬德房玄齡杜如晦等於玄武門誅之甲子
立爲皇太子庶政皆斷決八月癸亥高祖傳位於皇太子
太宗卽位於東宮顯德殿遣司空裴寂柴告于南郊大赦
天下癸未放掖庭宮女三千人景子立長孫氏爲皇后
已卯突厥寇高陵率已行軍總管尉遲敬德與突厥戰于
涇陽大破之斬首千餘級癸未突厥頡利至於滑水便橋
之北遣於真帥執尖思力入朝爲覘自張形勢太宗囚

之親出立武門馳六騎幸渭水上與頡利隔津而語責以負約俄而衆軍繼至頡利見軍容既盛又知思力就拘由是大懷遂請和詔許焉卽日還宮乙酉又幸便橋與頡利刑白馬設盟突厥引退九月丙戌頡利獻馬三千匹羊萬口帝不受令頡利歸所掠中國戶口丁未引諸衛騎兵統將等習射於顯德殿庭謂將軍以下曰自古突厥與中國更有盛衰若軒轅善用五兵卽能北逐薰鬻周宣馳驅方召亦能制勝太原至漢晉之君逮於隋代不使兵士素習干戈突厥來侵莫能抗禦攻遣中國生民塗炭於寇手我今不使汝等穿池築苑造諸滛費農民恣令逸樂兵士惟習弓馬庶使汝鬪戰亦望汝前無橫敵於是每日引數

百人於殿前教射帝親自臨試射中者隨賞弓刀布帛自是後士卒皆爲精銳十月癸亥立中山王承乾爲皇太子貞觀元年春正月乙酉改元三月癸巳皇后親蠶十二月壬午上謂侍臣曰神仙事本虛妄空有其名秦始皇非分愛好遂爲方士所誤乃遣童男女數千人隨其入海求仙藥方士避秦苛虐因留不歸始皇猶海側踟躕以待之還至沙丘而死漢武帝爲求仙乃將女嫁道術人事既無驗便行誅戮據此二事神仙不須妄求也二年春二月丙戌鞞鞞內屬三月丁卯遣御史大夫杜淹巡關內諸州出御府金寶贖男女自賣者還其父母庚午大赦天下夏四月己卯詔骸骨暴露者令所在埋瘞丙申契丹內

屬初詔天下州縣並置義倉六月庚寅皇子治生三年春
正月辛亥契丹渠帥來朝四月甲子太宗始於太極殿
聽政六月戊寅以早親錄囚徒遣長孫無忌房玄齡等祈
雨於名山大川中書舍人杜正倫等往關內諸州慰撫又
令文武百官各上封事極言得失是歲戶部奏言中國人
自塞外來歸及突厥前後內附開四夷爲州縣者男女一
百二十餘萬口四年春正月乙亥李靖大破突厥獲隋皇
后蕭氏及煬帝之孫正道送至京師二月癸亥幸溫湯甲
辰李靖又破突厥于陰山頡利可汗輕騎遠遁甲寅大赦
賜酺五日三月庚辰大同道行軍副總管張寶相生擒頡
利可汗獻於京師甲午以俘頡利告于太廟夏四月御順

天門軍吏執頡利以獻捷是西北諸番咸諸上尊號爲
天可汗於是降璽書冊命其君長則兼稱之九月庚午令
收瘞長城之南骸骨仍合致祭壬午令自古明王聖帝賢
臣烈士墳墓無得芻牧春秋祭祀冬十月壬辰幸隴州
曲救隴岐二州給復一年十日校獵於貴泉谷冬十三
日校獵于魚龍川自獻鹿虎於大安宮丙子至自隴州戊
寅制決罪人不得鞭背以明堂孔穴針灸之所十二月
甲寅高昌王趨文泰來朝是歲斷死刑二十九人幾致刑
措東至於海南至於嶺皆外戶不閉行旅不賣糧焉六
年十二月辛未親錄囚徒歸死罪者二百九十八人於家
令明年秋末就刑其後應期畢至詔悉原之是歲黨項

諸羌前後內屬三十萬口八年二月乙巳皇太子加元服
丙午賜天下醮三日三月庚辰幸九成宮五月丁丑上初
戴翼善冠貴臣服進德冠九年五月庚子太上皇崩于大
安宮七月甲寅增脩太廟爲六室冬十月庚寅葬高祖
於獻陵戊申祔于太廟十三年春正月乙巳朔謁獻陵曲
赦三原縣及行縱大辟罪四月戊寅幸九成宮甲申阿史
那結社爾犯御營伏誅壬寅雲陽石燃者方大晝如灰
夜則有光投草木于上則焚歷年而止十一月壬辰狩
於咸陽是歲滁州言野蠶食榭菜成繭大如柰其色綠凡
六千五百七十碩高麗新羅西突厥吐火羅康周安國波
斯疎勒于闐焉耆高昌林邑昆明及荒服蠻酋相次遣使

太平御覽

卷一百九

八

朝貢十五年夏四月詔以來年二月有事泰山所司詳定
儀制五月壬申并州僧道及老人等抗表以太原王業所
因明年登封已後願時臨幸上於武成殿賜宴因從容謂
侍臣曰朕以太原喜羣聚博戲署往寒逝將三十年矣
時會中有舊識上者相與道舊以爲笑樂因請之曰他
人之言必有面諛公等朕之故人實以告朕卽曰政教於
百姓何如人閒得無疾苦耶皆奏卽曰四海太平百姓歡
樂陛下之力也臣等餘年日惜一日但眷戀聖化不知
疾苦因固請過并州上謂曰飛鳥過故鄉猶躑躅徘徊
况朕於太原起義兵定天下復少小遊觀誠所不忘岱
禮若畢或冀與公等相見於是賜物各有差夏六月戊申

詔天下諸州舉學博古今及孝悌淳篤文章秀異者並以
來年二月總集太山已酉有星孛于太微犯耶位丙辰封
泰山避正殿以思咎命食減膳秋七月甲戌孛星滅十六
年冬十一月丙辰狩於岐山辛酉使祭隋文帝陵丁卯宴
武功士女於慶善宮南門酒酣上與父老涕泣論舊事父
老人等遽起爲舞爭上萬歲壽上各盡一杯庚午至白岐
州十二月癸卯幸溫湯甲辰狩於驪山時陰寒晦冥圍兵
斷絕上乘高望之欲捨其罰恐虧軍令乃廻轡入各以避
之十七年正月戊申詔圖畫司徒趙國公無忌等勲臣二
十四人於凌烟閣三月丁巳熒惑守心前星十九日而退
夏四月皇太子承乾有罪廢爲庶人丙戌立晉王治爲皇

太平御覽

卷一百九

九

太子大赦賜酺三日己丑加司徒趙國公長孫無忌太子
太師司空梁國公房玄齡太子太傅特進李國公蕭
瑀太子太保兵部尚書英國公李勣爲太子詹事仍同
中書門下三品庚寅上親謁太廟以謝承乾之過五月乙
丑手詔舉孝廉茂才異能之士十八年十一月命太子
詹事英國公李勣爲遼東道行軍總管出柳城禮部尚
書江夏郡王道宗副之刑部尚書鄖國公張亮爲平壤道
行軍總管以舟師出萊州左領軍常河瀘州都督左難當
副之約天下甲士召募十萬並趣平壤以伐高麗十九年

春二月庚戌上親統六軍發洛陽乙卯詔皇太子留定州

監國高士廉攝太子太傅與侍中劉洎中書令馬周太子

少詹事張行成太子右庶子高季輔五人同掌機務以吏部尙書安德郡公楊師道爲中書令贈殷比干爲太師諡曰忠烈命所司封墓葺祠堂春秋祀以少牢上自爲文以祭之三月壬辰上發定州以長孫無忌中書令岑文本楊師道從夏四月癸卯誓師於幽州城南因大享六軍以遣之癸亥李世勣攻蓋牟城破之五月丁丑車駕渡遼東甲申上親率鐵騎與李世勣會圍遼東城因烈風發火弩斯須城上屋及樓皆盡糜戰士令登乃拔之六月丙辰師至安市城丁巳高麗別將高延壽高慧真帥兵十五萬來援安市以拒王師李世勣率兵奮擊上自高峯臨之高麗大潰殺獲不可勝紀延壽等以其衆降因名所幸山爲

駐蹕山刻石紀功焉賜天下大酺二日秋七月李世勣進軍攻安市城至九月不剋乃班師冬十月丙辰入臨渝關皇太子自定州迎謁戊午次漢武臺刻石以紀功德十一月辛未幸幽州癸酉大饗還師二十年春正月上在并州遣大理卿孫伏迦黃門侍郎褚遂良等二十二人以六條巡察四方黜陟官吏庚辰曲赦并州宴從官及起義元從賜粟帛給復有差三月己巳車駕至京師六月遣兵部尙書固安公崔敦禮特進英國公李世勣擊破薛延陀於鬱督軍山前後斬首五千餘級掠虜男女三萬餘人二十一年正月詔以來年二月有事大山甲寅賜師京酺三日八月詔以河北大水停封禪辛未骨利幹國遣使貢名馬二

十三年三月辛酉大赦丁卯太宗以不豫勅皇太子於金
液門聽政是月日赤無光夏四月己亥幸翠微宮五月己
巳上疾甚令遺草詔有頃崩於含風殿年五十二遺位於
皇太子卽位柩前喪禮宜依漢制秘不發喪庚午遣舊將
統飛騎勁兵從皇太子先還京發六府甲士四千八分列
于道及屯安門上乃入大行御馬輿從官侍御如常壬申
發喪六月甲戌殯于太極殿謚曰文皇帝廟號太宗葬于
昭陵上元元年八月改上尊號曰文武聖皇帝天寶十三
載改上尊號爲文武大聖大廣孝皇帝

太平御覽卷第一百十

皇王部三十五

唐高宗天皇大帝

則天皇后

中宗孝和皇帝

睿宗立真皇帝

高宗天皇大帝

唐書曰高宗天皇帝諱治太宗第九子也母曰文德順聖長孫皇后以貞觀二年生于東宮之麗正殿五年封晉王七年遙授并州都督幼而岐嶷端審寬仁孝友初授孝經於著作郎蕭德言太宗問曰此書中何言爲要對曰夫孝始於事親忠於事君終於立身君子之事上也進思盡忠退思補過將順其美匡救其惡太宗悅曰行此足以事父

太平御覽

卷一百十

一

兄爲臣子矣及文德皇后崩晉王時年九歲哀慕感動左右太宗屢加慰撫由是特深寵異尋拜右武侯大將軍十七年皇太子承乾廢魏王泰亦以罪黜太宗與長孫無忌房立齡李世勤等計議立晉王爲皇太子太宗每視朝常令在側觀決庶政或令叅議太宗數稱其善十六年太宗將伐高麗命太子留鎮定州及駕發有期悲啼累日因請飛驛遞表起居並遞敕垂報并許之及軍旋太子從至平州時太宗患離太子親吮但充切之扶輦步從數日二十三

年五月己巳太宗崩六月甲戌皇太子卽皇帝位時年二十二詔大赦天下內外文武賜官一級永徽元年春正月辛丑朔上不受朝詔改元丙午立妃王氏爲皇后二年正

月戊戌詔曰去歲關輔之地頗弊蝗螟天下諸州或遭水旱百姓之間致有罄乏此由朕之不德兆庶何辜今獻歲春東作方始糧廩或空事資賑給其遭蠱水處有貧乏者得以正義倉賑貸五年春三月戊午幸萬年宮辛未大赦所經州縣擊囚六年九月庚午尙書右僕射褚遂良以諫立武昭儀貶授潭州都督乙酉洛州大水毀天津橋冬十月巳酉廢皇后王氏爲庶人立昭儀武氏爲皇后大赦天下七年正月辛未廢皇太子忠爲梁王立代王弘爲皇太子壬申大赦改元爲顯慶元年五月巳卯太尉長孫無忌進史官所撰梁陳周齊隋五代史志三十卷五年八月庚辰蘇定方等討平百濟面縛其王扶餘義慈國分爲五部

太平御覽

卷一百十

二

郡三十七城二百戶七十六萬以其地分置熊津等五都督府麟德元年三月辛亥行大射禮十二月丙戌殺西臺侍郎上官儀戊子庶人忠坐與儀交通賜死二年十月司禮太常伯劉祥道上疏請封禪癸亥高麗王高藏遣其子福男來朝丁卯將封泰山發自東都是歲大稔米斛五錢粳麥不列于市麟德三年春正月戊辰朔車駕至泰山頓是日親祀昊天上帝於封丘祀壇以高祖太宗配饗巳巳帝昇山行封禪之禮庚午禪於社省祭皇地祇以太穆大皇太后配饗皇后爲亞獻越國大妃燕氏爲終獻辛未御降禪壇壬申御朝覲壇受朝賀改麟德三年爲乾封元年正月丙戌發自泰山甲午次曲阜縣幸孔子廟追贈太師

增修祠宇以少牢致祭其襄聖侯德倫子孫並免賦役二月己未次亳州幸老君廟追號曰太上玄元皇帝創造祠堂改谷陽縣爲真源縣縣內宗姓特給復一年夏四月甲辰車駕至自泰山先謁太廟而後入庚寅改鑄乾封泉寶錢冬十月己酉命司空英國公勣爲遼東道行軍大總管以伐高麗三年二月丙寅以明堂制度歷代不同漢魏以還彌更訛舛遂增損古今新制其圖下詔大赦改元爲總章元年二月戊寅幸九成宮九月癸巳司空英國公勣破高麗拔平壤城擒其王高藏及大臣男建等以歸境內盡降其城一百七十元二年三月丁巳天后親蠶於邙山之陽時帝風疹不能聽朝政事皆決於天后自誅上官儀

後上每視朝天后垂簾於御座後政事大小皆預聞之內外稱爲二聖帝欲下詔令天后攝國政中書侍郎郝處俊諫止之調露元年十月單于大都護府突厥阿史德溫傳及奉職二部相率反叛二年八月甲子廢皇太子賢爲庶人幽於別所乙丑立英王哲爲皇太子改調露二年爲永隆元年大赦天下二年閏七月庚申上以服餌令皇太子監國丙寅雍州大風害稼米價騰踊是月裴行儉大破突厥厥餘黨行儉執伏念爲程務挺急追來降行儉於是盡平朔幸奉天宮遣使祭嵩嶽少室箕山具茨等山西王母啟母巢父許由等祠十一月丁未自奉天宮還東都上疾甚

宰臣已下並不得謁見十二月丁巳詔改永淳二年爲弘道元年將宣赦書上欲親御則天門樓氣逆不能上馬遂召百姓於殿前宣之禮畢上問侍臣曰民庶喜否曰百姓蒙赦無不感悅上曰蒼生雖喜我命危篤天地神祇若延吾一兩月之命得還長安死亦無恨是夕帝崩於貞觀殿時年五十六謚曰天皇大帝廟號高宗文明元年八月庚寅葬于乾陵天寶十三載改謚曰天皇帝大弘孝皇帝

則天皇后

唐書曰則天皇后武氏諱曩并州文水人也父士彘

夏傳切

隋大業末爲虜揚府隄正高祖行軍於汾晉每休止其家義旗初起從平涼城貞觀中屢遷工部尙書荊州都督封

太平御覽

卷一百十

四

應國公初則天年十四時太宗聞其美容止召入宮立爲才人及太宗崩遂爲尼居感業寺大帝於寺見之復召入宮拜昭儀時皇后王氏良姊蕭氏頻於武昭儀爭寵互讒毀之帝皆不納進號宸妃永徽六年廢王皇后而立武宸妃爲皇后高宗稱天皇武后亦稱天后后素多智計兼涉文史帝自顯慶已後多苦風疾百司表奏皆委天后詳決自此內輔國政數十年威勢與帝無異當時稱爲二聖弘道元年十二月大帝崩皇太子顯卽位尊天后爲皇太后既將篡奪是日自臨朝稱制嗣聖元年春正月甲辰朔改元二月戊午廢皇帝爲廬陵王幽於別所仍收賜名哲已未立豫王輪爲皇帝合居於別殿大赦天下改元文明皇

太后仍臨朝稱制庚申廢皇太孫重照爲庶人九月柳州
司馬徐敬業僞稱揚州司馬殺長史陳敬之舉兵移檄天
下左玉鈐衛大將軍李孝逸討平之垂拱四年五月皇太
后加尊號曰聖母神皇秋七月大赦天下八月壬寅博州
刺史瑯琊王冲據博州起兵命左金吾大將軍巨神勣爲
行軍總管討之庚戌冲父豫州刺史越王真又舉兵與冲
相應九月命內史岑長倩鳳閣侍郎張光輔左監門大將
軍麴崇裕率兵討之丙寅斬真及冲等傳首神都改姓爲
虺音氏音曲赦博州韓王元嘉魯王靈夔元嘉子黃國公音譔
靈夔子左散騎常侍范陽王藹霍王元軌及子江都王
緒故號王元鳳子東莞音公融坐與貞通謀元嘉靈夔

太平御覽

卷一百十

自殺元軌配流黔州譔等伏誅改姓虺氏自是宗室諸王
相繼誅死者殆將盡矣其子孫年幼者咸配流嶺外并誅
其親黨數百餘家載初元年春正月神皇親享明堂大赦
天下依周制建子月爲正月改十二月爲臘月改舊月正
爲一月大酺三日神皇以璽字爲各遂改詔書爲制書秋
九月革唐命改國號爲周改元爲天授大赦天下乙酉加
尊號爲聖神皇帝降皇帝輪爲皇嗣丙戌立武氏七廟追
尊神皇父士囊爲孝明皇帝證聖元年春正月加尊號曰
慈氏越古金輪聖神皇帝大赦天下改元大酺七日二月
上去慈氏越古尊號秋九月親祀南郊加尊號天冊金輪
聖神皇帝大赦天下改元爲天冊萬歲大辟罪已下及犯

十惡常赦所不原者咸赦除之大酺九日萬歲登封元年
臘月甲申上登封于嵩嶽大赦天下改元大酺九日丁亥
禪于少室山聖歷元年正月親享明堂大赦天下改元大
酺九日三月召廬陵王哲於房州九月丙子廬陵王哲爲
皇太子令依舊名顯大赦天下神龍元年春正月大赦改
元上不豫制自文明元年已後得罪人除揚豫博三州及
諸逆魁首咸赦除之癸卯麟臺監張易之與弟司僕卿昌
宗反皇太子率左右羽林軍桓彥範敬暉等以羽林兵
入禁中誅之甲辰皇太子監國大赦天下是日上傳皇帝
位于皇太子徙居上陽宮戊辰皇帝上尊號曰則天大聖
皇帝冬十一月壬寅則天將大漸遺制祔廟歸陵令去帝
號稱則天大聖皇后是日崩于洛陽宮之仙居殿年八十
三諡曰則天大聖皇后葬于乾陵

中宗和皇帝

唐書曰中宗和皇帝諱顯高宗第七子母曰則天順聖皇
后顯慶元年十一月生於長安明年封周王授洛州牧儀
鳳二年徙封英王改名哲授雍州牧永隆元年章懷太子
廢其年立爲皇太子弘道元年十二月高宗崩皇太子卽
帝位皇太后臨朝稱制改元嗣聖元年二月皇太后廢帝
爲廬陵王幽於別所其年五月遷於均州尋徙居房陵聖
歷元年召還東都立爲皇太子依舊名顯時張易之與弟
昌宗潛圖逆亂神龍元年鳳閣侍郎張柬之鸞臺侍郎崔

立暉左林將軍敬暉右林將軍桓彥範司刑少卿袁恕已等定策率羽林兵誅易之昌宗迎皇太子監國總司庶政大赦天下鳳閣侍郎韋承慶正諫大夫房融司禮卿韋慶等下獄甲辰命地官侍郎樊忱往京師告陵廟乙巳則天傳位於皇太子丙午卽皇帝位於通天宮大赦天下惟易之黨與不在原限二月甲寅復國號依舊爲唐社稷宗廟陵寢郊祀行軍旗幟服色天地日月寺宇臺閣官名並依永淳已前故事甲子立妃韋氏爲皇后大赦天下詔九品已上及朝集使極言朝政得失兼舉賢良方正直言極諫之士景龍三年十一月乙丑親祀南郊皇后登壇亞獻左僕射舒國公章巨源爲終獻大赦天下四年五月丁卯前

太平御覽

卷一百十

七

許州司兵參軍燕欽融上書言皇后干預國政安樂公主武延秀宗楚客等同危宗社帝怒召欽融庭見撲殺之時安樂公主志欲皇后臨朝稱制而求立爲皇大女由是與后合謀進鳩六月壬午帝遇毒崩于神龍殿年五十秘不發喪皇后親總庶政立温王重茂爲皇太子甲申發喪于太極殿宣遺制皇太后臨朝大赦天下改元爲唐隆丁亥皇太子卽帝位時年十六皇太后韋氏臨朝稱制大赦天下常赦所不原者咸赦除之內外兵馬諸親掌仍令韋温總知時召諸府折衝兵五萬人分屯京城列爲左右營諸韋子姪分統之庚子夜臨淄王諱舉兵誅諸韋武皆梟首於安福門外韋太后爲亂兵所殺九月丁卯上諡曰孝

和皇帝

睿宗立真皇帝

唐書曰睿宗立真皇帝諱旦高宗第八子中宗母弟龍朔二年六月己未生于長安及長謙恭孝友好學工草隸尤愛文字訓詁之書上元二年徙封相王儀鳳三年徙封豫王嗣聖元年立豫王爲皇帝及革命徙居東宮其具儀一比皇太子聖歷元年中宗自房陵還帝數請讓位于中宗則天封帝爲相王洎則天初臨朝及革命之際王室屢有變故帝每恭儉退讓竟免于禍神龍元年以誅張易之功進號安國相王遷太尉加實封其年立爲皇太弟固辭不受景龍四年夏六月中宗崩韋庶人臨朝引用其黨分

太平御覽

卷一百十

八

握政柄忌帝望實素高潛謀危害庚子夜臨淄王諱與太平公主子薛崇簡前朝邑尉劉幽求長上果毅麻嗣宗苑總監鍾紹京等率兵入北軍誅韋溫紀處訥宗楚客武延秀馬秦客葉靜能趙履溫楊均等諸韋武黨與皆誅之辛丑帝狹少帝御安福門樓慰諭百姓大赦天下封賞有差遣使分行諸道宣諭仍令往均州慰勞譙王癸卯王公百寮上表咸以國家多難宜立長君以帝衆望所歸請卽尊位甲辰少帝詔曰叔父相王高宗之子昔以天下讓於先帝孝友寬閒彰信兆人神龍之初已有明旨將立太弟以爲副君爲王懇辭未行冊命所以東宮虛位至于歷年撤綴涉衛在辰禍變倉卒然後稱制詔立冲人欽奉前懷

願尊理命上申先聖之旨下遂蒼生之心請叔父相王卽
皇帝位朕退守太藩歸於舊邸凡百卿士敬承朕言克讚
我天人之休期光我有唐之勲業布告遐邇咸使聞知相
王上表讓曰臣以宗社事重家國情深誅鋤巨逆奉戴嗣
主今承制旨猥推宸極在臣虛薄不敢祇膺循環震驚無
任感哽制荅曰皇極大寶天下至公王者臨之蓋非獲已
王乃先聖舊意蒼生推仰龍光紫宸實允係望請遵前旨
勿或推讓於是少帝遜于別宮是日卽皇帝位御承天門
樓大赦天下景雲三年春正月朔親謁太廟癸酉上始釋
慘服御正殿受朝賀甲戌并汾絳三洲地震壞人盧舍辛
巳南郊戊子躬耕籍田己丑改元爲大極二月丁亥皇太

子釋奠於國學追贈顏回爲太子太師曾參爲太子太保
每年春秋釋奠以四科弟子及曾參同祀列于七十二賢
之上八月庚子帝傳位於皇太子自稱曰太上皇帝五日
一度受朝於太極殿自稱曰朕五品已上除授及大刑獄
並自決之其處分事稱詔令皇帝每日受朝於武德殿自
稱曰予三品已下除授及徒罪並令決之其處分事稱制
敕甲辰大赦天下改元爲先天二年秋七月太平公主與
左僕射竇懷貞侍中岑羲等謀逆事覺皇帝率兵誅之與
太子少保薛稷左散騎常侍賈膺福右羽林將軍李慈李
欽中書舍人李猷中書令崔湜尚書左丞盧藏用太史令
傅忠孝僧慧範等皆誅之兵部尚書郭元振從上御承天

門樓大赦天下自大辟已下無輕重咸赦除之翌日太上
皇詔曰朕將高居無爲自今後軍國刑政並取皇帝處分
開元四年夏六月大上皇帝崩于百福殿時年五十五諡
曰大聖真皇帝廟曰睿宗冬十月葬于橋陵天寶十三載
改諡曰立真大聖大興孝皇帝

太平御覽

卷一百十

十

太平御覽卷第一百十終

